



勉菴集
十八

三十三

^16
2374
18



和
2374
23-18

勉菴先生文集卷之三十五目錄
墓誌



伯從叔父僉樞公墓誌

伯從兄錦西公墓誌

學生黃君墓誌銘

孺人珍原朴氏墓誌銘

學生李公墓誌銘

竹村金公墓誌銘

僉樞黃公墓誌銘

石城縣監小松李公墓誌銘

自悔齋金公墓誌銘

將仕郎姜公墓誌銘

成均進士晚義祭公墓誌銘

學生鄭公孺人金氏墓誌銘

戶曹叅判明谷慎公墓誌銘

贈童蒙教官安公墓誌銘

孺人利川徐氏墓誌

耕窩曹公墓誌銘

贈吏曹叅判完原君李公墓誌銘

成均進士俱公墓誌銘

孺人光山李氏墓誌銘

銑齋崔公墓誌銘

小潭崔公墓誌銘

吏曹叅判三慕軒金公墓誌銘

瀋溪金公墓誌銘

同中樞李公墓誌銘

戶曹叅判小石金公墓誌銘

北部都事崔公墓誌銘

思復齋宋君墓誌銘

端人河東鄭氏墓誌

孺人綾城具氏墓誌

勉菴先生文集卷之三十五目錄

勉菴先生文集卷之三十五

墓誌

伯從叔父僉樞公墓誌

我祖考

贈叅判公諱克敬祖妣全州李氏有子三

人長曰岳字雲卿以嘉陰先生命出系于伯父生貞

公諱克明生員公之前配曰青松沈氏宣傳官緯鎮

女繼配曰全州李氏敬錫女嘉陰先生諱光肇經學

行義望于士林曾祖諱成默副司正高祖諱裕泰官

郡守 景廟辛壬有救護正士功今 上辛丑 贈

秩賜侑以 純廟癸亥八月二十日生卒于今 上



甲申七月初十日壽八十二階通政用優老典也公
早服嘉陰先生之訓文藝夙就又嫻於禮學明習典
故凡遇疑禮及國朝故事證援詳明考據廣博無
一毫差性樂易行無崖異言無刻薄教誨後進應接
不倦與人交披心輸肝不設畦畛平居不以家事自
累每楓菊佳節花月良辰輒與兄弟朋友登山臨流
竟日忘返雖愛吟而作輒棄稿雖愛酒而微醺便止
賓至輒挽至三四日盡歡而罷蓋其風流篤厚襟懷
夷曠非世間拘儒曲士所可彷彿其藩籬也葬于菴
里先塋坐甲之原配昌原俞氏孝源女秋潭暢之后

初塋卯洞先塋後移附公墓左生四女婿李世應李
顯植李鎬英都事俞鎮國也取仲弟岱男升鉉為嗣
即益鉉伯兄也又無子以益鉉第二子永學系永學
始生三男長勉植餘幼嗚呼公有才有文學少遊洛
的的有聲稱然雅不喜世俗齷齪態遂絕跡城市終
老嚙巖其樂天真安所性不規規於外慕者雖其資
質之自然而蓋亦有所受於嘉陰先生云

伯從兄錦西公墓誌

公諱升鉉字日升我崔氏慶州人始祖新羅侍郎文
昌侯諱致遠配享文廟歷麗沱我朝世有簪纓不

須譜也高祖諱成默副司正曾祖嘉陰先生諱光肇
學行文章為當世所推重祖諱克明成均生員考諱
岳壽職僉樞妣昌原俞氏考諱孝源 贈叅判諱克
敬同中樞諱岱 贈貞夫人慶州李氏晉懋女郎我
祖考及考妣而公之本生也以 仁陵丙戌十二月
初六日生卒于今 上壬午七月壽五十七葬于佳
茆里先塋甲坐原配全州李遇明女墓村無子有四
女以益鉉子永學為後壻沈樂豐柳寅夏姜漢老尹
憲普公早隨先君子丹于楊遷徙無常及過房益貧
窮不能自存然餘力猶治學業不輟凡非義去處一

毫不經枉心性嚴少許可見人有惡輒大罵去之由
是見憚於士友公亦自知不合於世決意退藏甘樂
畎畝以終其身知公者皆莫不惜之平生不喜著述
有作輒棄不收先妣墓在錦繡山下且家在山之西
故自號錦西叙其生卒世系使永學燔磁埋墓側以
備異日陵谷變遷之考

學生黃君墓誌銘 并序

君諱鍾善字性汝姓黃氏籍平海其先出自中國入
我 朝有諱希願叅開國勳至孫得甫入北因居永
興會祖諱清一祖諱應海考諱璘屋妣星州裴氏全

州崔氏而君其崔出也君天稟秀異攻文藝衆發解
事父母至孝生養死葬致其情禮務勤稼穡訓子弟
有法度恤貧好士間或觴詠自娛有蕭然出塵之想
乃以今 上丁卯八月一日卒距其生 紀祖癸未
九月八日壽四十一墓于福興上洞里負壬之原配
南陽洪氏九源女事舅姑孝男度堅次庠堅曰禹錫
範錫箕錫其長房孫男也度堅忠信好學師事今贊
善宋公於湖西千里踰躅歲一起居而無倦色亦於
路次遇從余門託以相長之義者久矣曾言吾親事
行簡少雖無著顯萬於陵谷變遷之日不知為何人

之藏而因以泯沒焉則是後承之責而有違於送死
之大節願賴子一言以責之余感其誠而悲其言不
辭而為之銘曰

是惟平海黃君之藏慎勿道路樵牧於其上

孺人珍原朴氏墓誌銘

并序

靈芝有根醴泉有源物亦如之况於人乎故觀人之
賢否而其父母可知也綾陽處士鄭羲林甫嘗師故
叅判蘆沙奇先生隱居北志至是謂不佞亦一及先
生門庭而有聲氣之應以其先妣朴孺人狀來請銘
幽堂之誌按孺人籍珍原以直提學熙中為達祖曾

大父諱萬烈大父諱貴玄父諱致性妣仁川李氏恭
邦女孺人未笄而喪父母鞠於姊兄之寡而同居者
持身處物一遵其教十七歸士人鄭 纔入門恭執
婦道溫仁柔嘉人無間言綜理家政極有頭緒夫前
配李氏出二女方在幼穉輒曲加慈愛在家與適人
衣食資裝無間已出姪婦梁氏孀而寡甚割饘粥所
資以給之私親絕嗣香火無託則又令族親中一人
主其享事眷戀賙恤始終不替推之宗族隣里貧病
喪威皆曲有恩意得其驩心厚於施人薄於自奉蔬
糲之食垢弊之衣五十年如一日教子有法度值忌

辰齋戎月朔叅禮每臨時提警言母使怠闕恒言勸勉
一欲親近賢德專力文字餘外事務禁不得毫髮干
預以分其志或有往來師門及延接朋友多少用費
則必別儲若干錢物副其緩急嘗曰貧富命也非欣
戚可免使富而無教差不若貧而有識又曰過不在
大一念之惡一事之失罪則一也人或怒之天可逃
乎汝等勉之此狀辭大略也孺人以 仁陵己卯生
今 上丁丑卒享年五十九塋于墨村樟岷負丁之
原鄭氏先兆也鄭氏系出光州育一男四女男即請
銘者李秉誠李光茂金章錫洪承命其婿也念昔侯

夫人之行見於河南程氏家傳而朱先生採入於寒
泉之編則其淑慎塞淵炳然與孟母同其傳矣然膝
下不有二程夫子則何以及此所以立身行道爲顯
親之孝也處士當天地蔑貞之極與師門諸子講洙
泗洛閩之學有至死不變之志使其業益進德益修
而扶持世教之萬一則其發揮闡揚奚啻爲今日而
止也銘曰

孟母以降宋有程孺人匹美育此賢卽夙興夜寤
教以義方義方伊何望切立揚子以正之大賢門墻
聿追士士以敵商商不顯閭閻可質穹蒼嶂峴之岡

有他玄宅我撮其蹟昭示千百

學生李公墓誌銘

并序

丹城治西佛堂洞負宰而舉如者故星州李公諱如
珙字景王之歲我英宗大王卽位之四年戊申麟
佐希亮等舉兵犯順上命吳命恒等諸將帥戡定
禍亂又親述教文布告中外於是一省守土之臣
多設場試士表章聖德公時以諸生同友人權立
中赴赤壁之會主倅以教文句語中海東復有乾
坤六字爲題公一筆呈券有王朝紀綱一朝正從此
南人反不復之句因爲不逞人李大異等所惡轉輾

免難身
構誣竟至不得其死蓋公考通德公與從伯兄竹林
公胤壽叔弟胤星當帝壬之禍不避忌諱齋謁疎齋
李相公於南海謫珣李公舉張儉之花孔褒事以諷
焉則便以王子野餞范文正已例對之大為李公稱
許其氣類淵源有自來矣雖文獻散失始終作為不
可繁見而至若辨明於陰陽向背忠逆剖判之大義
持守謹嚴則又可一齋而知全鼎矣軀命屈伸何足
論也公以 明陵甲午生 元陵乙亥卒年四十二
李氏以高麗京山府院君長庚為始祖自後歷世公
卿為南中望族桐谷先生是以行義著稱文科司憲

府監察惟訥忠義衛堅副護軍藩國忠義衛胤胄通
德卽以上其五世祖禰也配江陽李氏泰胤女男啓
昇啓賢啓原啓昇子民烈女李潤得啓賢男民烈過
房弼烈啓原男臣烈謙烈公五世孫道復以其大人
之命屬不佞以幽竈之誌謹據原狀畧加櫛括如右
銘曰

星山閣族望于嶠南公襲前光綿力重擔筆誅森嚴
象邪心甘天其仁矣神胡不叅佛堂之麓有恤玄宅
用撫其實昭示千百

竹村金公墓誌銘 并序

公諱道南字聖指竹村其自號也光山之金東方大
姓麗朝十二平章尚美國初有咸從縣令諱承吉棄
官入杜門洞子軍器寺正諱五行遷遺誠亦不仕事
載松京實紀寺正子諱錫元始仕我朝官止承文
院校理再傳諱寶進士有行誼官叅奉於公為七世
祖也曾大父時亮軍資監正大父應三同知中樞府
事考玘贈童蒙教官號德翁妣仁同張氏斗應女
咸平魯氏同樞聖教女俱贈令人德翁公平日持
身以禮御家有法作孝歌三綱歌五倫歌令子孫朝
夕諷誦以感發其善心公自幼孺染庭訓性又至孝

志物之養服勤之誠始終不替無一毫勉強及其歿
孺慕不已親所嘗嗜終身不入口知舊家見遺札拜
而受之至於隕涕傍觀動色晚年移筆慕下痛以瞻
掃軒月朔必展省平居日必冠帶從事書籍未嘗或
輟自六經至楚辭文選古樂府以及風唐諸家靡不
淹貫通融如誦已言而尤好太史公書恒言讀書將
以為己若一事進取而專事涉獵則將安所依據而
為需世御物之基本乎為文贍博不費意想而歌詩
駢儷動輒成篇性愛竹作竹詩十絕以見志每見新
曆必削去清等號過清州謁萬東廟詠一絕曰日

月獨東在萬年不改光照吾頭上戴晝夜此心長值
純翼 憲三王諱辰必登高望哭蓋其風泉之感
襟芥之思有非餘人所能及也有酒無量遇不平事
或親友造室輒引滿取醉而不及於亂接人不設畦
畛表裏洞然賢愚善惡咸得其心而至其辨別事理
弁絕非義又斬然不可奪也以 哲宗乙卯十一月
二十四日卒距其生 正宗癸卯壽七十三臨命眷
眷以為已之學勉子孫焉惜乎以若孝悌文學之實
尊攘向背之正埋沒林樊不得展其所蘊豈非識者
之所恨也歟墓于咸平竹西先兆下其坐宋錦谷來

熙題其墓曰有明竹村處士任鼓山憲晦記遺事今
上戊戌以孝行 贈通訓大夫司憲府監察配 贈
淑人全州李氏宗賢女德泉君厚生後婦德克備墓
祔右育二男一女男光益光鍊並 贈教官號稱伯
孝叔孝女徐天榮光益二男熙耀女鄭文源光鍊二
男勲煦二女長適吳廷彦次適鄭壘孝烈卓異仍竊
念昔余南遷因士友過從備聞公遺休不啻藉甚且
勲即錦谷鼓山異竒蘆沙正鎮趙肅齋秉憲四門高
弟也抱家狀訪至海上託公幽竈之文居然歲已積
矣屢辭不獲遂按其狀而叙之如右銘曰

光山華閎源遠流長公承厥緒發揮孔張基本孝悌
輪翼行知種學績文家計在茲最其秉執華夷大防
兩賢巨筆不顯其光貽謨有孫四師受傳我銘幽堂
永萬斯年

僉樞黃公墓誌銘并序

余既述故正郎黃公之行矣因竊觀於其夫人僉樞
公狀則所謂稱人之善必本於父兄師友者尤不可
誣也謹按公諱有鎮字君弼號省菴幼穎悟不隨衆
雜戲四五歲能受千字史略琅琅讀不輟父母甚奇
之既長涉書史略通大義其事親也一言一動不忘

聲形自幼至老慕之如一日晨昏之節枕褥展歛必
躬親出入升降必扶持家貧躬耕稼漁樵以充甘旨
矻矻然勞筋苦骨以終日而不露幾微遇新物異味
不先入口歸而供之及親病彌留一念洞屬衣不解
帶侍湯數朔凡謁醫劑藥一不替人禱天嘗糞割股
裂指靡所不至遭艱送終執喪一遵禮制顏色之戚
哭泣之哀終三年如祖括時日必展墓墓前當膝處
至成坎焉其值先忌必宿齋將事雖老境不許子弟
攝行曰吾不與祭如不祭兄弟湛樂老白首如一日
教子孫恒依於孝悌忠信不及名利邊說話嘗謂士

子功令業將以為出身事君階也欲事君而先欺君
可乎與其奔競而僥倖寧從容而守分也其他平居
而無疾言遽色對人言溫溫有和氣而至名義關頭
凜然有不可犯者皆言足聽聞公自少好讀書經史
筆硯老不離手儒賢善行古今禮說見必記錄用以
為承先牖後之地是其庸行之懿豈無所本而然哉
黃氏系出長水領議政翼成公諱喜為國初名臣以
下赫業相承為海東顯閥不待譜也考諱象坤有孝
行妣仁川李氏廷夔女公生以 健陵己酉卒於
哲廟壬子以侍從臣父階通政為僉知中樞府事夫

人姜氏封淑夫人葬寶城道村面龍湖洞坐癸之原
子基源即正郎孫楷不佞十年舊要也忠信有文行
諱不明不仁之古戒撮取遺事千里跼蹐請為墓隧
之銘則又見其紹述志事儘非餘人所能企及也不
能以老病辭銘曰

人有恒言孝友任睦乃若實踐而公所獨睽彼馬鬣
龍虎之麓樵牧指點過者必肅

石城縣監小松李公墓誌銘 并序

石城縣監小松李公諱志容字尚彥以 仁陵乙酉
生自少日誦朱子書近思錄性理諸篇致力於為已

此仁之地晚以上舍生用直指使薦薄試郡邑未展
所蘊而乃以今 上辛卯二月干支卒于家遠近士
大夫咸惜之孝子教文講不明不仁之戒贊其遺集
一部于里踏跣請幽室之銘余人微言輕辭非其任
而不獲公星山大家自始祖新羅宰臣諱純由迄今
千餘年名卿顯德世不絕書有諱瑛以齋卽值戊午
士禍棄官而南家寶城於公十世高祖諱奎明曾祖
諱國鎮祖諱有源考諱箕大號可隱並以行義蒙
贈典妣長興任氏龍材女公天賦聰穎幼而賦詩有
春風來天地造化能主張之句宋冠受論語於安松

梅壽祿能致思審問日有所造安公亟稱以遠大之
器始可隱公好書嘗結齋庠糧儲書數千卷為子孫
肄業地鄉里子弟窮不能學者並飲食教誨無間物
我公孺染庭訓不煩教導日與諸生琢磨淬礪旬必
有講講訖辨論疑難所專心者聖賢義理之訓日用
常行之道功令業乃餘事也在親側常怡愉屬幹
盡酬接務順其義侍疾不辭衣帶致喪過毀情文兩
摯日必展墓風雨不以闕待庶毋庶弟無間言御家
有法門庭肅雍所受父賞未嘗增益凡喪壅嫁娶不
能以時者並視其緩急而上下之值歲大饑保活邦

內溝壑以手計知舊族戚遠不能及者至牛車擔負
以致之是其愛好人倫輕財喜施未嘗以產業調度
自營者稟性然也素履猷猷不求進取時與同志杖
屨逍遙遇會意處便充然自適繼之以詩詩亦不求
甚工洵瀉天真往往有獨立物表之意朝廷聞其聲
名始授禁府都事由司憲府監察外除為熊川等五
邑公遂巡却顧不敢以當職自居其赴與石兩邑亦
迫於物議而非其所欲也始至皆以立紀綱正名分
興禮教敦風俗文諭境內設賑有方監獄平允民方
信向而尋以直道忤上司罷配山清日與嶠南士友

往復酬唱歌誦太平無毫髮怨尤色及其 宥還溪
以立脚不牢輕出世路致悔吝之意基于郡之福內
面龍盤村面亥之原夫人長澤高氏景鎮女婦德純
備先公歿四男長即教文教行發忠教信二女高用
株宋有洙教文四男鎰鉦鏞鎔二女徐丙僖次未筭
教行四男鏤餘幼教信三男三女高用株二男一女
宋有洙二男一女皆幼銘曰

運值商商靡哲不愚窮達豐約鮮保厥初嗟惟松翁
始終濶步學非志毅施不望報尊賢尚德以昇厥子
衰年薄試乃其餘事瞻彼龍盤有恤四尺我聞其幽

刻詞于石

自悔齋金公墓誌銘 并序

華雲處士金君樂道袖其家狀過余言曰王考歿四十餘年墓尚無誌願得予一言以備陵谷變遷余辭非其任不能得乃考次其世族行治生卒始終而叙之曰公諱亨鍾字嘉叔安山人其先有曰渭佐麗祖以功封開國侯諡忠翊子孫仍著焉高祖諱錫達僉樞 贈工曹參判曾祖諱相鼎牧使策奮武功 贈兵曹參判祖諱養材考諱處益兩世俱隱德不仕妣文化柳氏公以 元陵己丑六月生于峒陰里第年

甫十餘詩思清越有石立天然意山青太古容之句識者咸以遠大期之及長博學善功令輩行莫能先事父母及祖父母愛敬備摯俱得其歡心既久因仍草土饘粥致哀九年如一日乃曰苟其道也抱關擊柝尚可為之何必博士業遂盡室遷居京師時則我正宗大玉臨御之二十一年丁巳也忠賢巨室為其世好文武名宦列於族戚文藝行能象推以需世器用而一不為趨趨之足躡嚙之言逮庚申 禮陟時象丕變則即浩然歛退卜等青城之鼎橋扁居室以自侮飯蔬飲水若將終身其詩曰自顧平生多自侮

自侮而後人必侮人非自侮人誰侮吾自侮吾號自
侮蓋反求自新之辭也與鄉中宿德若觀稼齋柳公
巖鶴臯李公顛青蘿李公楫徐公光輔諸賢臭味相
孚或講約讀法激勸民俗或選勝文會發叙幽鬱詠
志觀德風韻流動世人望之不啻若神仙中人享年
八十三以 哲宗辛亥正月考終于寢塋龍化洞負
帝之原遠近士林咸誄挽以送之公篤於人倫勤於
奉先喪餘伸情至老不攝教子孫以恭近禮遠恥辱
與人子與人弟眷眷言孝悌于父兄以至細節微行
一是自誠實無偽中出來噫古所稱躬行君子者其

公之謂歟配宗姓李氏宗禧女漢陰君文翠堂倪其
八世也婦德克備生卒同年月日老後先墓合祔育
二男一女太原左源女洪夏鍾太原二男一女樂善
次即處士君女宋岐榮左源二男三女樂英樂朋女
李晚秀餘幼銘曰

相時進退志士所程古亦有訓內重外輕蹟公終始
庶曰近止納銘幽堂用昭厥以

將仕郎姜公墓誌銘并序

此長湍江東面高棧里四尺而封者將仕郎姜公諱
儋成字而克之藏斯文彙益講陵谷變遷之義攜其

家狀過余言曰吾先子墓木已拱納壙文字尚無定
本子其圖之謹按姜氏晉山大族以高句麗兵馬元
帥諱以式為鼻祖中世有諱著仕麗朝封晉山府院
君謚曰恭穆入我朝諱淮仲以大農丞自靖不仕
號通溪諱漬中廟靖社封永善君諱秀崑敦寧僉
正錄壬辰扈從勲諱善餘吏曹叅判尤菴宋先生銘
其碑在公六世以上也曾祖諱命璜叅奉辛壬扶義
祖諱宅齊進士考諱文會登文科歷敷臺閣薄試郡
邑率由正直絕不循俗為趙趙躡嚙狀大為奔競輩
矜式公承膺世德天賦甚敦八歲而孤孺慕哀感著

稱鄉里奉偏慈怡愉洞屬養極志物三十年如一日
昆弟四人伯氏將仕公早世丘嫂李氏下從而未違
旋表者有年乃宣力中外竟蒙成典事仲氏如嚴父
服勞左右不敢少忽及其喪也涉於疑忌衆皆畏避
遂身親絞衾撫棺哭臨如庾家故事少輩切令隨衆
應舉而顧所尚不存親歿之後便屏迹荆園杜門北
志教誨式似循循有儒家軌則恒言謂人不可不學
學不可不以忠信為主自處已接人以至應事酬物
率皆誠實懇惻不由勉強鄉里感服往往有勿令王
彥方知之者惜乎世鮮知德不少槩見也其生以

仁陵癸亥卒於今 上丙寅齊慶州金氏經歷魯喆
女先公三年卒墓合祔男彙英過房彙益彙稷彙億
彙軾孫漢老漢師彙益出漢龍漢鳳漢龜彙稷出餘
幼銘曰
淵源世德孝友家風趨營歛退可觀始終有子不匱
有孫綿綿餘慶所暨不其永年鬱鬱高棧繫公之藏
我撮其蹟用示無疆

成均進士晚義梁公墓誌銘

并序

余與綾州斯文梁在慶善一日馳書見屬以其族曾
祖晚義公幽室之誌竊念護陋見聞何敢與論於大

方家氣象規模决知其代大匠斲鮮不傷手也用是
辭謝而不獲焉則乃撮其大畧而為之序曰公諱進
永字景遠系出耽羅歷世公卿為東方甲乙家數
本朝惠康公諱彭孫與靜菴趙文正先生為道義交
世稱學圃先生是為十世顯祖自後節行文學世不
絕書如髯峰梅軒酒隱諸公為尤著曾大父諱井達
贈僕正大父諱宅漢父諱潤周並隱德不仕妣金氏
籍晉州以 正宗戊申十月日生公天賦絕倫年才
就傅屬文賦詩屹如老宿弱冠遊場屋間鄒解覆試
屢捷高等由是聲譽藉甚當時知名士大夫莫不歛

在起服推之以需世器用深知舉業外有用心處嘗
於一日內以經術時文做兩截工程者書五六行俱
下不費思索並脫然領會雖造次顛沛之頃潛誦默
念未嘗間斷五經四書諸子百家皆盱淹貫而始終
致力在義經一部蓋其重內輕外絕不以求害得失
關我靈臺故雖不恒厥居簞瓢屨空而粹盎面背動
作有文言語有章儼然知其為有德君子也若其事
親至孝持身儉約待人誠敬與子弟言孝悌與朋友
言忠信勉宗族以敦睦御家衆有法度一從倫理上
做工夫來政所謂無所為而為者此其高風善行可

傳百世而無愧晚來升庠一著又何足加損於公蓋
易之為書廣大悉備而其要在利貞不為柔道之牽
則可謂會讀易者莫如公而其賢不可誣也享年七
十三而以 哲廟庚申九月干支考終於寢壑于世
清面漁村坐乾之原知舊門生哭而送者數百亦可
見信義之入人者深矣齊長興任氏通德儀百女承
上御下極有條緒公之遊學四方成就德業夫人之
力也公歿三日從容殉身育一男三女男相秉女適
曹孟圭金在潤尹喜詰相秉無嗣取三從兄相祿子
原默為後側室一男幼銘曰

聖謨孔彰陽扶陰抑四聖心訣其義不惑公乃咀嚼
不得不止庶幾夙夜以踏實地詞華藝耳既不足云
窮達命也亦不足言贊彼山城繫公之藏我聞其幽
用示無疆

學生鄭公孺人金氏墓誌銘

并序

鄭生濟萬甫抱厥先祖考妣狀遂自湖南之咸平過
我病門見託以幽室之誌余久廢文墨未敢率爾但
此兵戈阻絕豺虎荐食之日能注意先事歷險直前
者復有幾人可尚也已謹按公諱溼字冕卿系出光
山歷麗迄我世有聞人諱麟晉監司存都事以忠御

史睦左贊成應鍾判書彪承旨仁洪學行薦至監司
溱進士敏軾進士熙昌進士寔公高祖以上曾祖光
址祖楷父履喆妣慶州李氏啓扈女公自幼穎悟如
成人十歲而孤奉母夫人貧窶困感殆人所不堪而
樵山漁水孝養篤摯凡事以承順親志爲務餘力攻
課每值艱食服松葉夜讀燃松明以爲常口不出鄙
俚足不踐非禮篤友于厚宗族謹辭受許多懿行皆
可書不可泯至其交遊省內賢士大夫如奇蘆沙張
草堂誠心輸款始終不倦則其樂善好義之實尤可
驗也生以 純廟癸酉卒在 當子乙丑錦城治北

石崖洞坐子而封者其歲也夫人金氏籍光山 成
宗朝校理錫元為十一世 贈教官玳 贈監察道
南 贈教官光鍊其曾祖祖禰夫人幼染庭訓在家
已以孝聞及嫁舅已歿事姑如事母大小必稟命而
行秋穀登先封祭需春蔬生先薦堂闈夫嬰疾數朔
竟不起治喪卒襄一遵禮制舍哀忍痛看當內外遣
子就學辛勤撫教閱喪翌年而成親迎婦三日而廟
見是夕名子與婦泣而前之曰汝父死吾不即殉以
有待也今後事有託復何憾焉汝等善繼無替先懿
因乘其睡熟就經于園樹其從容處義殆非尋常烈

婦之可比也墓在旺山洞坐酉之原距公墓牛鳴而
近男海錫女柳窻玉孫三人長即請銘者次濟于濟
百噫公之家德士林間公薦久矣顧時值大亂不得
轉聞于聽卑之天而蒙褒揚令典者為可恨然安知
不有尚論君子採摭精要載諸小學續篇而為衰季
風化之一助也歟狀是公之婦弟智藏處士勲所述
辭簡理到有足不朽無待餘人之架疊矣遂略叙如
右以備陵谷之變遷銘曰
幼奉母儀克述家聲亦有賢妻殉不徑情之人之德
百世可竦納銘幽堂用昭厥以

自持既而 孝廟因徐忤事天怒震疊瀾及于公公
奏對中 上意事遂解丁酉服闋擢進士庚子補蔭
授 穆陵叅奉例遷繕工奉事尋以別薦超六品拜
義禁府都事時同春宋先生極選文學有才望者
啓請擢用公與焉故有是除公謙退不敢當未幾遞
甲辰除訓局郎聽尋拜高靈縣監沂川洪公命夏為
訓局提舉李公浣為大將洪公大稱公比之諸葛武
侯每有軍國大事必咨公以決李公尤有獨知之契
嘗曰慎某間世才也他日國家有難如某將略古人
不是過也及公外除洪公 啓請留公曰慎某豈百

里才乎丙午中別試殿試公少負重望所與講道皆
一時名賢如尤菴同春兩先生及尹石湖朴玄石諸
公皆推重獎拔以為公輔器公亦自許以一代事業
既用薦超擢又將通南臺未及而登第朝野皆賀得
人即拜禮曹佐郎丁未拜持平差社稷祭執事因上
疏論祭祀太早及攝行用親祭例之非又因旱災求
言上疏論宮闈不嚴朝著不靖論議逕庭風俗頹敗
法制解弛紀綱萎蕪賦役不均刑獄失中士氣不張
邪說橫流及民生困弊盜賊橫行等事凡萬餘言時
閔黯為完伯崔世慶為德山縣監多不法事公獨

啓劾之見者莫不吐舌為公危之黯黨果蓄憾肆毒
必欲陷于不測摭撫無所得則捏造虛謗醜辱無所
不至公自此連辭 除命至被拿問銓官出公為庇
仁縣監諉以鎮定浮言士類咸憤李公慶徽至面斥
銓官曰一鳴輒斥是何待言官太薄乎公無幾微色
莅任之初搜訪民瘼私田之冒入官家及各衙門者
皆一一查報悉歸諸民四境翕然欣戴已酉以冬至
使書狀官赴燕時 顯廟患腫瘡一國憂遑公至山
海關以計誘城將得通使義州聞 上候平復然後
行公在道一切裁以法行中肅然及歸不以一物自

隨盡錄其山川險易地勢形便以來盖有志復讐故
也庚戌復命除咸鏡都事辛亥入為兵曹正郎為媚
嫉者所擊去自此公浮沉州郡十餘年擇差者居半
而或赴或辭如平安亞使嶺南敬差官及肅川寧海
南陽慶源金海濟州安東慶州是也其為平安亞使
巡閱塞外山川訪古戢戍遺策至柵亭堡要害之地
靡不商量慨然有密贊之志其詩有千里行旌隣虎
窟百年懷抱撫龍泉腥塵未霽男兒老一嘯臨風更
喟然律詩中又有萬古綱常 洪武帝千秋義埋宋
文正世無同謀同義士慟哭神州心欲狂之句蓋歎

其素抱不伸而湔讎無期也其陞通政在金海時而
爲濟州也島中不沾文教荒陋最甚至於喪葬嫁娶
若夷俗然公始至依禮法導諭之修學校明課試覈
科賦民俗賴以丕變又商度形便置堡移鎮建運籌
堂爲講武習兵之所安東時料歲大饑預先規畫時
穀累萬石民無填壑之患旁邑負戴皆湊至賑政爲
一道最朝廷錄賑穀最優者將施褒賞公減實數上
報及戊辰公自慶州遞歸遂退居海西之金川郡大
明洞其上蓋有朱居士佛堂遺址俗傳大明太祖
誕降之地云故洞名爲大明也公始得此地慨然有

風泉之感乃曰此吾終身所也仍自號明谷甲戌拜
工曹叅議不赴癸未以大耄陞嘉善公曰吾平生踐
歷雖非華顯而每有匪分之懼今日所得若吾固有
之物心即安矣遂詣京蕭恩甲申拜都摠府副摠
管轉爲戶曹叅判皆以老病辭是年四月十三日卒
塋于楊根郡西終面蟾谷先塋下丙原後三年上
始遣官致祭公少而聰慧過人於書數行俱下博極
羣籍用力甚苦夜則懸燈伊吾不輟至曉鍾始據案
乍眠不設寢具者累年尤致力於大學中庸論語間
治功令儕輩莫能先爲文章流通灑落東溟鄭公斗

免集
卿作文有不如意處必袖來示公使之刪潤曰汪然
之氣雖遜老拳意致精切吾不及也判書南公二星
公少時同研友也暇公文章嘗稱曰慎某之文握筆
滾滾隨意所欲頃刻成章如寫簡牘蓋深服而歎美
之也事親誠孝備至鄉黨稱之一日公遠出得叅判
公病報遂冒夜踰嶺而歸遇惡虎獲全聞者皆以爲
孝感公氣豪意健卓犖不羣其視一世無足當其意
者嘗讀山寺深夜尤沃渴泉井絕遠側有古祠日暝
人常不得涉適又天黑雨注雷電轟燁僧輩縮頭無
敢出公獨行滿酌一筒而歸人莫不服其雅量少時

覽孔明木牛流馬圖倣其法造之活動如生嘗論古
今人才之殊輒歎曰以皎皎之智瑣瑣之才自多於
世末俗偏之中者豈不大可哀也耶仍著說以見志
有萬斛龍驤搏天大鵬之語蓋自况也及擢第慨然
有志於激濁揚清一入臺閣不挫不撓其彈黜也南
公喻以禍網之叵測極力挽止且曰時議以都堂天
曹朝暮擬子獨不可少遲耶公笑不應詣臺獨 啓
由是不能一日立於朝如清城金公錫胄老峰閣公
鼎重玄石朴公世采皆推轂引重將以大用而公一
不往見聞其至輒趣裝出城而避之諸公雅識公然

亦不能無憾且慮公亢直只自外推遷而已黃公世
禎嘗對人言曰世之不用慎某未知何意也其人之
可用與否姑無論安有文臣一番臺侍二十餘年外
黜而終不收用者耶張公善冲嘗歎曰天不福吾東
使慎仲任虛老公在州郡務持大體不以苛察為能
而吏畏民懷防干囑絕饋遺自奉亦蕭然薄畧不似
官供在時雖無赫赫聲而去後民久思之自少踈在
宦情中年以後益知世態難與俯仰務在歛退每以
孝廟大義未伸為平生至痛徃徃抑鬱不舒則輒對
月朗誦武侯出師表東坡赤壁賦慷慨流涕讀春秋

史記遇古人功名事業成敗之際沉思感奮撫掌咄
咄曰造物賦與我之意其將有所為耶常讀兵書終
身未嘗向北而坐以示不服虜主之義晚卜大明洞
爰其遺號兼有湖山之勝公甚樂之深衣幅巾日徜徉
山水間有時興到則或策蹇尋勝或曳舟訪寺道
遙散浪悠然自得嘗有詩云千載金陵地一片大明
山老臣無限感北望泱泱潛潛公著家訓遺子孫曰義
理則當以尊周為先讀書則當讀孔朱書我東先輩
則當尊栗公清陰尤齋三先生可也蓋公以豪傑文
武之才有復讐雪恥之意雖未及為孝廟所知而

當時將相如洪李二公者，溪許而默契之，皆稱之以
大有爲之器，則公之所能積於中而發於外者，必其
有可當之實，決非徒爲大言以取世名者比也。然當
時君子不能以一辭褒揚事行，不見於尊周之編子
孫，不列於忠良之裔公之所遇於身，與後者何其奇
也。此固不能無憾於公之後人者也。雖然，肅廟賜
祭嘗以間氣偉人褒之矣。華西先生又稱之以「大
明純臣」，然則公亦未至爲大不遇矣。若今之世，則碩
果東夏並入腥羶，天下大界不復有先王典章使如
公者而見之，未知又以爲如何也。嗚呼！唏矣。銘曰：

詩詠風泉，人稱魯連。嗚呼維公，大明純臣。吾知公
風車雲幢不在，高皇帝之倚定，識其爲列星爲山
嶽，以壯我漢陽。獨彼紅髮鳩舌之種，來換我先王赤
子之腸，而帝不顧公不言，使我獨向公四尺之墳，寫
幽章。

贈童蒙教官安公墓誌銘

并序

安員外琦，良不佞從姊夫也。錄其先公遺事，百里緘
書請爲誌。幽之文竊念不佞少及公世親，承警咳者
懔懔如昨，而居然爲四十年光陰，俯仰愴惻，義不敢
辭。謹按公諱廷吉，字汝貞，自號芝岡，順興之安素，稱

大姓其先曰高麗三重大匡都僉議贊成事興寧府
院君右文館大提學文貞公諱輔是十七世遠祖歷
麗迄我世有大官如判門下府事文簡公宗源開國
功臣領三司事良度公景恭判戶曹事靖肅公純大
司憲崇孝吏曹參判混尤著參判以下曰克仁縣監
曰節翊贊曰汝止參奉曰槩司直並淵源師友敦尚
文學至 贈持平諱震馨則又寒泉李文正私淑也
於公會祖以上祖諱墩考諱宗華 贈監察妣 贈
淑人延安李氏安恒女生四男公其第三也天性孝
友少事監察公服勤盡誠及見背持制如老成毀瘠

幾危弱冠時仲氏卒於客鄉聞將發行多言病涉忌
疑且老親在不宜躬其絞衿公應曰苟如是也焉用
同氣爲哉即前進治喪泰然無幾微色人皆難之自
是奉偏慈二十餘年益加誠敬樵山漁水志物俱養
既而大夫人嬰重腫鍼灸無力吮而得全又病痰咳
委頓床第證勢長遠遂躬執湯劑拜醫禱神遑遑靡
他寢不以時衣不辭帶者殆數年竟至差完以天年
終鄉里稱歎咸以爲孝感所致及喪泣血致哀如前
喪而過焉伯氏亦早年無嗣奉二嫂氏居在同室大
小必稟雖當急遽授受不親值喪餘必沐浴致齋流

滄嗚咽如見其所為祭者嘗以少時窶甚送終多不
及禮者為至恨平生衣服飲食務從儉約一切珍腴
奢靡泊然無所入於其心不烟茶不麴釀御家以法
接人以誠諸子夜讀每坐至深更以率其怠倦蓋其
篤人倫務本實素性即然至於教誨式穀一念炯炯
又庶幾乎造次必於是顛沛必於是此所以鄉井悅
服士林傳誦而愈久愈新者也享年六十而卒於
哲宗庚申塋在始興治西蘭谷坐巽之原今 上辛
未 命贈童蒙教官夫人濟州高氏在鳳女開國元
勳上將軍呂之後也莊一端淑有女士行卒後公二

十三年墓各封育三男一女男長即貢外郎過房次
璋良瑜良女宋敦榮璋良男無育取瑜良子灑為后
女沈遠台瑜良男灑出系次潤女韓麟錫銘曰
古訓孔昭善人是祐不于其身必於其後子孝孫昌
惟慶之垂曷或有爽銘以示之

孺人利川徐氏墓誌

余有遠方之友曰綾城李秉燮夙聞其二親在堂昆
弟四人列侍供歡又能讀古人書見推士友間一日
緘書千里見屬以先孺人幽窶之文驚愕不容以老
病眊矇孤謹按孺人姓徐氏系出利川遠祖諱神逸

官阿干自麗迄我世有簪紱大司成忠壯公諱岡掌
令諱山甫尤著祖曰永漢考曰圭賢妣礪山宋氏與
晚女孺人自幼以孝謹稱於家年十九歸士人李之
茂李氏公山望族世有隱德而家貧舅老孺人一入
其門禮敬自持定省不違時供奉盡其力舅甚安之
其歿也附身附棺能先事措備罔有餘憾父家移自
康津隔鄰而居者踰四十年生致養死致哀不以已
嫁而少衰持身精簡居家儉約絕不以冗瑣小節出
納細故累其君子歲時祀典身親蠲潔友兄弟接宗
姻恤寒餓曲有情節而務盡恩義至其平居教詔子

孫一切以親近書冊斥遠浮華為準的皆可書而傳
也卒於今 上丙申二月塋于丹陽面外會化里坐
甲之原育五男一女男長即秉燮次秉燦秉度秉浩
秉教女崔在熙噫奢儉豐約人情安危之所關也孺
人始也因窮而不以為戚終焉舒足而不以為泰秉
心塞淵夙夜祗謹者惟為人妻為人子為人父母之
道或有闕而行或有失也以致孫枝繁衍百祿是膺
而為百世為善之勸者殆或諸往牒而未易多得嗚
呼賢哉

耕窩曹公墓誌銘 并序

免身
余有遠方友曰宜春曹龍煥一日以書來曰墓而有誌古也而吾先子塋旣數十年壙內無述願惠一言以備陵谷之變遷余敬諾而按狀殆夫子所云入則孝出則弟謹而信汎愛衆而親仁行有餘力則以學文者也其賢宜得銘公諱敬殷字國奎號耕窩魁顏大腰眼如晨星聲若洪鍾氣象偉然自少棋博之戲不接於目貨利之談不出於口鎮日靜坐耽玩墳典而所好者朱書也故得之溪居之安而所致力於養生送死者隨處盡誠不以老衰或懈處兄弟湛樂如一日以至課子孫勉後生並諄諄誨諭竭其兩端及

皇廟見撤書院毀罷則曰此乃君臣義絕師生道壞而西鬼入據之漸歎歎太息者屢日蓋公雖杜門歛跡不省外事而憂時惓惓之意未嘗忘也守宰之勤於民事者使命之有心諮訪者徃徃造門而致敬亦可見好德之所同也昌寧之曹始自新羅太師繼龍至侍中欽平章事自奇益大顯入我朝有縣監達夏六世而松為壽職資憲曾祖諱命溟祖諱有成取從子理源為嗣寔公考妣昌寧成氏師涵女生以正宗庚申卒於當于甲戌享年七十五塋于琴洞兜瑩下辛坐之原夫人金海許氏貞淑柔嘉克配其

德生三男二女男仁煥龍煥益煥金禹性鄭德元循
也仁煥早卒無子女取益煥子均灝為後龍煥有一
女取益煥子塾為後鄭希鎔婿也益煥男均灝過房
均奕塾過房均玉均升過房均華全系子奎喜鄭男
旭錫銘曰
姿之厚方行之篤歎息斯文公所獨我銘其隧詔冥
漠欲知斯人視此石

贈吏曹叅判完原君李公墓誌銘

并序

悠然齋李公諱頤和字孟陽我世宗王子桂陽君
贈諡忠昭公諱璿十四世孫高祖諱命華世子翊

衛司翊贊曾祖諱敬天利川府使祖諱復誠贈司

僕寺正考諱弘健贈吏曹叅議妣原州元氏贈

淑夫人主簿敬與女其生以正宗丁酉卒於雷

寧乙丑壽八十九葬在連山伐谷面陽山村負子原

後贈嘉善大夫吏曹叅判完原君自公以上三世

追榮以子完清君貴也公平之三十二年嗣孫昌穆

圖珩以錢諸幽者不鄙乞益鉉言按狀公五歲失怙

十六丁內憂執喪過哀雖中夜輒吞聲悲泣枕席常

有涕淚痕既冠奮發力學有聲士林間時純祖大

王頻御經筵試講館學儒生每至公次見其溫雅

愷悌迥出等夷深加嘉尚公亦自愛切不向權門要
路為越起足嘖嘖口及甲午 大喪時象頓別則遂
盡室歸維楊先壠下誅茅結廬食蔬飲水允志養德
若將終身常以前喪幼不能盡制欲追服三年而於
禮無據遂止不杲然至恨在心每值忌日齋素之誠
哭泣之痛恒如袒括時事叔母柳夫人甚謹生養死
葬備盡情禮與從弟同居一室友愛懇摯老而不衰
從祖姪女早失父母無所依歸自幼及笄教養資裝
視若己子平居終日端坐怠慢之氣不設衣身體接
人以恭待物以仁子姪有過必諄諄誨誘不失聲色

見其晏起或不裹頭則每舉管幼安舟中遇風自數
罪惡事以戒之身在草野心懸王室至 景陵上賓
公年七十餘矣能以筋力為禮自成服日以至朔望
及大小祥登冢後山麓向闕洩哀蓋其清介之操忠
孝之性出於天賦且以白石正儒醇溪正履念齋正
觀諸公為袒免親具老洲熙常金臺山邁淳結道義
交所以磨礱浸潤觀善輔益而為進德修業之地者
綽有餘師故其守志東岡始終無悔如此孟子所謂
論其世而其人可知者也配金氏籍清風考縣監守
默趙氏籍漢陽考德昌並 贈貞夫人墓合祔系子

淵九筮仕歷典郡邑封完清君娶清風金氏著淵女
有三男三女男長昌穆娶杞溪俞氏夏柱女三男一
女男長炳秀娶大丘徐氏莫輔女其餘幼次景穆娶
高靈申氏承祜女次尚穆出繼淵競後申炳均安氣
遠韓命教其壻也內外孫若干人銘曰
士曰尚志柔途或牽公操介石老而彌堅惟忠與孝
天賦家傳庶幾夙夜終我天年雖則不究來世之範
有文在石尚其茲鑑

成均進士慎公墓誌銘

并序

嶺右之安陰縣直長山庚原故上舍生慎公諱炳坤

字景登歲也按狀公才十歲父病且喪憂哀若成人
值忌日恒作孺子慕與弟奉偏慈三十餘年志物之
養同被之愛並為鄉里所稱誦姊嫁而寡迎來鄰比
躬幹庶務恤其孤以有成奉先備幼一教子有法度
以至待宗族應賓友率以忠信不設邊幅蓋孝友睦
嫻篤於人倫是其家法傳授之茶飯物事故於身心
日用之間所存所發不待勉強者如此丙子丁內憂
毀瘠成祟竟以是年卒距其生 景陵乙未僅四十
二惜乎召南之行義刺史不能薦天子不聞聲而季
羔顏丁之居喪或至過涉而天闕其年也居昌氏以

高麗左僕射恭獻公修為鼻祖歷至 本朝名卿顯
士譜牒相望五世祖諱守彞官教官號黃臯師事寒
泉李文正學識文章望于南服從享龜洲祠高祖諱
認明文科藝文館檢閱曾祖諱性純祖諱必懿並通
德郎諱在馨河東鄭氏文獻公一蠹后東膺之女寔
公考妣也配安東權氏以長女貞淑柔嘉治家以勤
儉奉祭以誠敬後公十年卒墓各柩男宗翼司馬文
科進士金秉先其女婿也公卒二十二年宗翼以家
狀論於不佞曰先人有德無年雖不繫見倘百世後
陵谷變遷而無可據證左則將如之何敢丐辭以貢

之余目其儀耳其言信其為繼志述事之法家拂士
也因序其大略而係之以銘銘曰

謂天畜之曷其德義謂其厚之又下年位有降者魄
宅茲蒞施尚篤其壽永啓後嗣

孺人光山李氏墓誌銘

并序

尹生相麟以其先孺人狀屬余為幽誌狀即鄭斯文
義林所撰其言宜不誣且相麟早年志學大有將來
芝醴之必有根源尤可信也惡可以病廢辭謹按孺
人姓李光山世家以清心堂調元後德弘水原白氏
重黃女為考妣生於 純廟辛卯八月十日二十歸

于坡平尹氏為士人滋郁配時夫家甚貧生理蕭然孺人夙夜靡懈綜理庶務調度凡百一無窘踰善事兩尊人左右承奉極稱其意舅默養公性嚴少可而甚安樂之姑文氏老盲廢坐起須人而數十年忘其苦奉祀累世必致誠致齋俎登簋薦豐潔方正非甚故未嘗使人代勞平居寡言笑勤績紡禁奢華絕巫祝御家和而教子嚴持已儉而施人厚夫黨姻親鄰里老少咸得其歡心噫淑德懿行之可傳不可泯者有如是矣雖比倫於桓少君之儉約唐夫人之孝敬何愧焉嘗聞士人自少亦以孝聞抑豈非孺人內助

之力也歟宜其縞衣綦巾享壽偕老永受无疆之福而遽以今 上辛未二月二十六日卒年僅四十一士人過時而悲至今屢十年而或對其子語及之未嘗不悽然下淚苟非孺人之賢甚有不念者存身能如彼其久而不衰也塋于綾州石菜洞某坐原舉四男一女相龍相鳳相龜相麟鄭琦鉉相龍二男世炳道炳二女未笄相鳳二男二女仁炳餘幼相龜三男一女相麟一女並幼琦鉉男淳奎銘曰
是唯賢媛李氏之歲後來樵牧母或敢傷

鈍齋崔公墓誌銘 并序

湖南之光州故有好學篤行隱居不市者吾宗鉞齋居士諱相一字乃賢是已余昔自海還嘗與公一遭溫言粹容不問知為君子人後二十年其族孫基龍袖高學士儀相竒寢即字萬所為公狀碣示余又求玄竈之誌嗚呼疇昔一面已隔生死矣不能無愴感之思而基龍以其親炙高第懇既切至且公之潛德余所欽服者也其何以辭遂叙次而為之銘銘曰
我崔慶州所蒙異公祖忠烈諱光位奕世簪紱鳴勝國暨諱仲濟官舍人始入我朝子永源進士孝行著南服亨漢師暄曜戊禍松年救靜亦坎珂祖孫各

義人所慕進士諱濡子宗澣坦之模淳先業績寔公高曾與父祖生考麟淳配豐洪丙子八念二降公十
四出為大宗後羅州林與珍原於所後之妣皆有德見公英睿擇以取者史數百行輒誦寂於經傳篤工用早歲文詞動一鄉畢親色養務承順鷄鳴衣冠拜問訊退謁祠板日為常生庭稍遠亦一觀何暑何雨
老采慎病以子代無或廢侍瘳藥糜必躬備及喪過哀禮亦至不御酒肉終三載貧窮畎畝樂其所平居
恂恂牙角去到關大義始見稜瀟灑風味和粹貌望之天然知有道爭來弟子教各稱家門肅如入朝廷

詩亦清高筆亦勁小道可觀猶如斯自言性急是吾短每用忍工更和緩晚年進德此可知辛巳至月念後一厭世憐然棄形質人間六十六年回乾芝山下負辰原衣履攸藏先兆遵祔左元配海州崔是生男一婿三選廷煥早幼奇鍾鉉洪承昊與高濟琉洪州宋氏為後配男女無育蔡氏代蔡本平康性和柔全鍾泰壻宗煥男余聞宗煥德不慚足見公家家法正陵谷變遷晦翁語今日與君共勗有納銘于幽後世證

小潭崔公墓誌銘

并序

公諱有煥字德章號小潭姓崔氏其先慶州人以麗朝鷄林君光位為遠祖國初有諱仲濟始居湖南之光州官止政府舍人後有永思亭諱亨漢燕山戊午以掌憲言事被禍陶菴李文正銘其碣縣監諱松年以太學聖疏救靜菴先生寔公十一世以上高祖諱宗胤曾祖諱泰之祖諱孟淳考諱益昌並孝友文學著稱士林妣咸陽朴氏瓊鉉女公生於仁陵乙酉氣宇軒昂姿性峻潔聰明善記著自幼年族祖芝翁公亟稱其遠大器及長師友朴苞臯鼎休金寢即道煥立心制行向背明正平生以忠孝自勵嘗曰人之

爲人不外乎此然非學無以盡忠孝之道於是劬書
愈篤反前審問到白首不衰公之居禁正大已審於
發軔之初矣事親怡愉洞屬幹蠱勤儉甘旨之供不
以貧窶或闕侍瘠衣不解帶祝天願代嘗糞驗證一
如古孝子之爲及丁憂易戚備至前後無異值喪餘
哀慟如袒括平常語及親輒潸然下奉先盡誠儀
物之未遑者悉修舉經紀俾無遺憾丙寅洋亂約與
同志赴義亂旋已不果乙未 車駕出宮公時在老
病猶欲奮義敵愾噫公之於孝可謂能盡矣而惟忠
不得可施之地君子惜焉若其所推之行則和隣里

睦親戚賑窮乏恤災患隱惡而揚善嗜義而廉利皆
鑿鑿有據及乎晚年德義日著自然名聲及於遠邇
而銜近邑宰之聞風致款者一不報禮薦陞憲職退
讓不居此公之所易而人之所難也蓋其忠厚仁愛
惻怛慷慨一出真實而不容絲毫矯偽雖其所性者
然而讀書學問之力亦不可誣也以今 上丙申十
一月十五日終壽七十二塋于素琴峙壬坐丙向之
原從先兆也齊平澤林氏永璫女有婦德舉五男二
女男長基龍次基準基豹基虎基鴻女長適金鼎秀
次適金根中內外孫曾若干人余惟公之潛德懿行

可爲師法者多南之人士固嚮望而稱揚之矣然若
使公早得蜚揚少展頭角則其經綸事業必多有可
觀者而顧乃終老林樊使其蓄積之美都歸於一杯
土中嗚呼命也夫基龍好學謹慎克趾其美謂不佞
有一得之見而且兼百世同根之誼千里曳衰託以
幽誌之文余不敢以不文辭遂叙次如右繼之以銘
銘曰

守身學古志士所程公能實踐不尤其名在家百行
孝爲之源憂國丹心不遇者天嗟公平生無愧始終
時稱長德世許家風有子不匱孫枝綿綿厚施之報

可缺百年瞻彼琴麓衣履攸藏我撮其蹟納銘幽堂

吏曹叅判三慕軒金公墓誌銘 并序

公姓金諱瑚字玉汝號三慕軒其先光山人麗末都
僉議政丞化平府院君諱石堅海陽君諱粹大提學
諱祖衍典翰諱質祭酒諱師武寔公五世公以恭讓
壬二年庚午生於長湍地南里第年才舞勺學於陽
村權公門權公指以他日巨手曰鳴世才爲時出也
我 太宗甲子中司馬丙申行典牲署叅奉 世宗
壬子文科同年校理司藝甲寅應教乙卯行掌隸院
判決事丁巳歷吏禮曹叅議都承旨陞吏曹叅判外

補為清道郡守咸吉道按廉使俱有聲績還拜戶曹
叅判固辭不就職以壬申九月二十七日卒壽六十
三墓在寶城郡王巖面可申驛南車洞負乙之原碣
銘典翰金虬所撰而誌文未有傳焉後孫琪煥等慮
或其初無述作而備陵谷之變遷論於不佞不佞對
曰今距公近五百年平生行治有難可悉惟依做碣
文闕疑傳信庶其寡過矣乎謹按碣文云事親一節
源於百行竭殫忠誠以貽孫謨非獨為表準於宗戚
亦令時人皆有所矜式又曰以圃牧隱兩先生之道
為律身柯則仰而師之其所與感無異親多據此則

其篤於父師之倫而孝敬盡道私淑講明別有異於
人者不可誣矣又曰立朝幾二十年每以帝王家歷
代善政陳勉懇至寬弘 淵衷從諫不拂又曰素所
慕仰者夏殷周三王而以其風化之賊將欲挽回於
吾東日三時啓沃而望其君於大禹成湯文王常常
自勉曰益稷之謨我將明之伊萊之佐我將追之闕
散之策我將進之規其君以三聖夙夜而慕愛慕愛
之誠亦有補於當世之治且以公詩所謂莫曰人皆
醉無如我獨醒贊襄然後意蹈舞萬生靈及保間申
叔舟所稱欲見金公之心先探其扁號三慕之義可

也云者參看則其忠愛一念望於吾君者寧學三代而未至不欲以小利近功苟安一時為架漏牽補之計者益可驗矣又曰懲羹於讒口先幾而作是則豈前日左遷或乃為不悅者傾陷排擯竟使不安於朝端而然者歟未可知也配忠州人翊贊朴喜默女無育後配天安人牧使全仲英女四男一女男長自中縣監次自庸執義次自知監察次自南監司女適郡守李致愚銘曰

英陵右文朝多鴻碩公乃移孝盡忠於國論思啓沃蹇蹇匪躬將欲挽回三代之風益稷伊萊闕散之業

我亦可能不讓古昔是其自任夫豈空言夷攷所由圃牧淵源百世徵信厥有貞石我述不作納銘幽宅

麟溪金公墓誌銘

并序

天冠山北虎溪之里古有磻溪處士金公諱鎮恒字明叔以穆陵乙酉生九歲失怙持禮如成人及長而孺慕不衰遊庠塾間力學善屬文輩行莫能先值長陵丙丁謂非士大夫進取之時斷棄功令杜門劬經以治心養性為修身之要正倫篤恩義為御家之本人或勸之赴舉則輒曰親不在矣而誰為榮筭書室于屏澗日與求我之童蒙難疑教授不知老之

將至享年七十四而卒於 寧陵戊戌龍溪面龍山
乾原即其藏也七世孫永煥以故叅奉鄭在勉狀來
曰先祖事行歲久難悉然幸據此而得一言猶足以
不朽之乎余應曰士生斯世所尚者志不可以隱現
微著為差殊觀孔子曰志士不忘在溝壑孟氏云守
孰為大守身為大若公殆志士而守身者歟銘如是
足矣余氏光山世家入 本朝文科吏曹叅判諱瑚
於公為八世曾祖重器祖士傑考鼎元並叅奉外祖
長洲邊德龜配咸豐李時達女性行端貞爭君子無
違禮墓各附舉一男四女男麟壽女洪履碩張漢杰

文必清田萬春麟壽三男兌虎光虎文科持平彦虎
一女鄭彭世曾孫男女宗益白師赫長房出宗潤宗
澤次房出宗海宗沃宋相翼三房出銘曰
相時歛退曰我其志白首窮餓婆娑衡泌生既無
死何足喟彼奔驚者庶其知愧

同中樞李公墓誌銘 并序

吾鄉先輩有溪西李公以忠信文行為後生指南年
七十五至今 上巳卯生員壯元用優老典即加通
政甲申陞嘉善為同知中樞府事兼五衛將老境金
紫鄉邦輝映追 贈考寅復吏曹叅判祖進頌吏曹

參議曾祖魯曾司僕寺正妣朴氏貞夫人乃以丙戌
四月干支考終于寢葬在永平郡錦柱山西負乙之
原嗣胤霽山居士承烈將納銘幽堂諡栳不佞竊記
平日侍先君子側話間每推溪西公為鄉井宿德聞
之耳熟而貧病多事掃門執鞭趨未遂志暨公末年
始得一再承顏抑抑其儀溫溫其仁今也或是之無
矣謹按公諱種禹字聖圭固城人李氏始自新羅歷
麗迄我聞人大官赫世趾美不須譜也公胚襲前光
稟姿絕異於經傳蘊奧性理肯綮皆毫分縷析靡有
凝滯吐辭成章類精切簡昂溪得古人遺意性根孝

友生事以禮死塋以禮遇珍味善果不先入口篤於
友于訓子姪有義方睦宗族信鄉黨務本實祛奢華
雖蔬糲不給而處之裕然蓋先立其大而不為外物
推移者如此彼只以十室忠信場屋老儒而已者殆
淺之知公也配貞夫人杞溪俞氏景柱女事舅姑如
事親奉君子無違禮墓合祔居士好古樂善有聲士
友間孫男基冕亦中生員壯元女洪鍾翰曾孫章鎬
文鎬易曰碩果不食又曰食舊德誠之不可揜也有
如是矣銘曰

倚歎令族東土之望密直翰林厥樹孔壯乙巳遺直

草木知名滄洲趾羨蔚然名卿掌憲承之風搏鵬程
連世名義參輝汗青公姿超凡承先牖後孺業所就
行純質茂老而彌勤竹素是討彼哉趨管非我所好
在今則無古或有諸漢王彥方宋之仲車蔚彼佳城
呵噤樵牧納銘于幽用垂千億

戶曹參判小石金公墓誌銘 并序

度支侍郎小石金公以 元陵庚辰生卒于 景陵
乙未壽七十六中外士大夫高其風節至于今不衰
詩曰有斐君子終不可誼兮其斯之謂歟公諱愚淳
字吾與安東之金自高麗太師宣平始世襲紱冕入

我 朝文忠公諱尚容殉節江都世稱仙源先生其

七世祖也高祖諱盛益副率 贈吏判曾祖諱時吉

贈僕正祖諱淵行 贈吏議考諱履命 贈吏參三

世 馳贈以公貴也妣貞夫人完山李氏商穆女通

德即騫行僉樞履魯完山李顯國女其本生祖與父

母公自少志學博通經史文藝夙就 正廟庚戌中

司馬 純祖癸亥除童蒙教官旋闡文科自是三十

餘年循例平步內則持平修撰正言中學教授刑曹

叅議同副承旨至知申事大司成兵戶刑工曹叅判

大司諫同知 經筵敦寧府事漢城左尹外則扶安

定州驪州安岳癸未正月 嘉順宮喪未及殯玉堂
權敦仁劄請出 殯宮於本宮公以諫長陳䟽言喪
不可無主故孔子於朋友之喪無所歸則曰於我殯
朋友尚然豈容以分義之重拂天倫至情乎不忍而
使之無主乎次言慎選正士保養 東宮之道終言
世道民情危迫之機科舉仕路奔競之弊而曰此固
臣之憂悶在中而賈生之痛哭流涕猶屬歇后語也
唯 殿下奮發一心策勵羣工使內外之臣淬礪其
行廉潔為政仍命掌銓主試之臣以公無私則庶乎
人心可靖世道可扶民可以生國可以安矣蓋其磊

落正大之義陳善開邪之誠凜然有古爭臣風䟽奏
蒙 優批尋為當路者所愠枳廢數年始付西樞遷
同敦寧時則 純廟昇遐 冲辟嗣位公痛念國勢
哀不欲生輿疾赴哭而還即臨命前幾日也葬德山
先兆下負坎之原貞夫人安東權氏都正聖應女無
子取本生季弟縣監能淳子養根為后筮仕監役二
女長適進士李光年次適縣監李龜夏側室一女適
權山仁監役繼子炳胄前都事一女都事李重顯長
婿男東溥女都正尹桂次婿男縣令範善女正即權
宅善都事沈起澤內外曾玄若干人公篤於內行事

親以孝奉先以禮待朋友曲有恩義任都事屢周未
仕時親友也持論頗峻有勸以絕交諸要路意者公
厲聲云朋友人倫之一豈可見利而忘義乎有窮交
年老當艱無以為喪一毛具輒斥而賻之在官奉職
恪勤持已清慎煦濡貧弱威制豪強凡近於干名要
譽者一切不為驪州時有勢家守塚憑藉肆虐無敢
誰何公廉得其罔赦之罪戮諸市人皆稱快每遞歸
行李蕭然杜門却掃不干外事耽玩墳典樂而忘憂
嘗自言余自赴舉至秩二品未曾開一口於主試掌
銓亦未嘗參夜會云者此其實際而出處持守之嚴

不可誣也視世之昏夜乞憐老白首不知返者奚啻
天淵之相懸也都事以狀來請幽室之文顧余謏陋
生又苦晚其何敢當謬屬之懇而發舊德之幽光也
哉辭之不得據其狀而叙之銘曰

惟天降材寔為世庸于行于止亦係其逢猗歟石翁
古家繩尺獻替啓沃蔚有嘉績薄試郡邑所在冰檠
方枘圓鑿屢躓于時雖躓于人乃與天宜三達其尊
維德之隅太中自誌匪愧匪諛我闡厥懿用示薄夫

北都都事崔公墓誌銘并序

當子十三年丙子春朝廷開門納洋中外士大夫類

遂巡畏約候伺人主之意向承望宰相之風旨無能以進退去就露形迹而犯時諱者時則前都事崔公晚喜以嶺下疎蹤見任玉丹監造官叙陞付職朝暮事也輒浩然棄歸不復蹤京師年四十八以己卯七月庚子病卒于寢及喪引而送者殆數百人皆哭失聲如悲親戚噫非入人者深而能然乎謹按公字聖極其先慶州人司成洎貞武公震立寔為八我顯祖曾大父諱彥璫號南岡大父諱祈永生員號龍菴父諱世麟生員號大愚軒妣宜人西原鄭氏必儉女繼妣真城李氏奎淳女生員世龜驪江李在元女其本

生父母也以 仁陵壬辰生稟姿秀異未冠值外艱居廬不肉如老成人未畢喪本生父旅館臯復公戴星千里哀戚甚諸人為之感涕母夫人務大體識事理有女士風公一意承順大小事必稟命後行平生身不設邊幅口不道雌黃凡日用應接信在言前不令而行雖在患難急遽之時皆安閑整暇不動聲色奉先以誠篤於友于以至按賓友御僮僕處鄉黨救災恤患賑乏賙窮皆無愧為小學中人苟非生質之美而存養之厚者曷能致此可銘也已配淑人真城李氏叅判彙迓女二男長鉉軾叅奉次鉉島進士墓

在朝驛先塋下坐壬之原銘曰

文昌華閣源遠流長暨至潛翁益大以昌公襲前光
稟質慈良六行洵備允矣且臧蘭茁庭階英英鴈行
爰及玉樹上學知方不養厥本曷有條暢朝驛之洞
銘巖之北刻之幽宮昭示無斁

思復齋宋君墓誌銘

并序

昔我重菴大爺以扶正斥邪為流俗所齟齬貶謫海
島時則士民泯泯氣節掃地而南中章甫好古尚論
者不避忌諱多往來就正彬彬有澹菴海上遺風思
復齋宋君鎮鳳字致承其一也謹按礪山之宋遠有

代序譜自高麗礪良府院君松禮始入我朝世襲
珪組高祖諱翼顯晦迹林樊專心為已號復性窩曾
祖諱師一祖諱仁奎考諱景玉外祖彥陽金尚修君
以憲廟庚子十二月八日生于康津平德里第自
幼言笑如老成然及長學時文於李南坡僖錫戰藝
庠塾輩行莫敢先既而隨眾赴綾城解見士習奔競
謂此非正人君子涉迹之地便翛然退步杜門却掃
取小學近思錄等書反復誦念如初上學樣與金吾
南漢燮金一軒台漢金覺齋璣烈若爾同志相觀以
善往來源源書疏絡繹優游厭飲於世間紛華泊如

也及拜重翁而充飲河之量則輒怡然自樂曰道在是矣何必他求因有詩云雪裏江山摠四明此行前路着平生險夷不判吾心跡然後方知身後名蓋其志有豫定不為物遷者如此平居制行不事修飾一以誠信事父母婉婉承順處兄弟眷眷友愛會宗族汲汲敦睦交朋友切切講習公私善惡之幾華夷人歟之判言行出處之要並覃思研精發揮敷衍或著之文字或寓之論議類平實完朴務歸實用蓋非拘儒俗士所能彷彿其藩牆也享年五十九而以戊戌二月干支考終于冠山墨村之寢門生加麻者十數

人壅在本坊禾里乾原夫人仁川李氏錫漢女一子翽浩念昔君以余為重翁之徒也自雲潭門下訪至樊廬顧余顛愚又在持服未及請詳其所存一二而觀於動止威儀之間愛好無射者赫赫如昨日而君之墓草已三宿矣云云之歎庸有既乎朴君熙元述其狀丐以銘銘曰

噫淳澆而偽滋兮類曲學而循世也剛可使繞夫指兮方可使納夫柩也惟君資之卓犖兮敦文質而後文藝也榮慕而瘁擯兮吾獨安於貧也害違而利從兮吾獨守其真也念先師之誨諄兮庶不怠於昏晨

也撫遺跡而上下方可以質諸神人也

端人河東鄭氏墓誌

端人鄭氏故繕工監役梁公俊默夫人系出河東曾
大父陽燁 贈承旨大父吉相 贈叅判父承烈同
樞並以行義著名妣南平文氏永煥女夫人溫柔靜
嘉有古女士風入門之初生事剝落日用調度無以
自資遂躬親庶務晨宵刻厲節衣減食儉約為政以
至養舅姑奉祖先接賓友收宗族井井有條緒鄉鄰
中窮無所依歸者貧不能婚葬者咸藉其賙恤假貸
而無填塋失時之歎焉松圃公謹嚴有法度性且愛

酒座客常滿夫人一意承順豫常準備以待無時貴
應一妹早孀無依迎置一室同衣食三十年無絲毫
幾微色教導子女每謂過不在夫一念之惡一事之
錯罪則一也此其暗合於古先民罔小罔大之遺訓
影響而可以為衰俗柯範者有如此享年六十八而
以今 上乙未二月卒塋在松圃公墓下負亥之原
育三男三女男在慶在善在基女曹學淳文達煥李
毓來在慶四男會寅會澈會斗會淑在善一男四女
男會崙女李敬來鄭樂源朴聖佑餘幼在基一男幼
曹學淳一男三女文達煥二男一女李毓來一男二

女內外孫曾不盡錄在慶不俊晚友也飭躬好學蔚
有望實至是以書來曰吾先夫人葬不及誌無以發
其幽潛丐有一言以備陵谷之變遷顧余膚淺文字
不足以信夫人之德於後世而屬意鄭重不容固辭
又按其狀乃吾希堂居士安君澤煥之所述也希堂
松夫人有通家之誼其言宜不誣遂彙括叙次如右

孺人綾城具氏墓誌

孺人綾城具氏性甲女羅州林宗仁其外祖坐以
繼祖癸未五月二十五日及笄歸士人慶州崔宗權
克執婦道事姑如事母姑甚安之夫有貞疾幾殊孺

人不勝憂慮時或禱天願代或云某地有女醫甚神
乃徒步往叩之醫言是病十難一二全無已則用黃
蛇者庶幾近之而係是難得之物奈何孺人上下原
隰罔晝夜窮搜竟得而試之疾乃瘳人以為至誠所
格處婦姒間一無圭角鄰里皆得其歡心享年七十
四而卒於今 上丙申八月十八日塋在晉州北龍
塘枕子之原有子三人汝東汝鶴汝琬汝琬晚而好
讀晦翁小學石潭要訣誦如已言又從士友間廣其
見聞駸駸有出幽遷喬之勢此又孺人教誨之所及
也汝琬以壙內無述俾余記其蹟遂書之如右

勉菴先生文集卷之三十五

勉菴先生文集卷之三十六目錄

墓誌

晚守齋柳公墓誌銘

兵曹叅知許公墓誌銘

鰲峰梁公墓誌銘

學生韓公墓誌銘

孺人東萊鄭氏墓誌銘

右議政金公墓誌銘

息道軒崔公墓誌銘

山陰姜公墓誌銘

愚叟金公墓誌銘

季父通德即府君墓誌

醉叟梁公墓誌銘

處士郭公孺人金氏墓誌銘

農隱宋公墓誌銘

栗農申君墓誌銘

義禁府都事吳公墓誌銘

從弟墓誌銘

蓮坡鄭公墓誌銘

勉菴先生文集卷之三十一目錄

勉菴先生文集卷之三十六

墓誌

晚守齋柳公墓誌銘 并序

柳公諱焯字靜甫文化大姓晚守其號也考諱相魯
妣昌寧成氏大齡女以癸卯三月舉公于扶餘里第
天賦秀異九歲授小學至董生行第三章輒掩卷歎
曰人而不孝慈者曾鷄狗不若聞者嘖嘖稱實既長
習切令大小發解凡五舉不利南省謂諸朋友曰人
之所難者晚節吾輩科業不過雕蟲小技假使得一
第猶為識者嗤點况未必得乎與其汨沒迷返無寧

從吾所好且古人有言曰積財千萬不如薄技在身
技而易習而可貴者無過讀書也乃謝絕塲屋退居
江湖杜門却掃日誦大學中庸致力於務實為己之
地一言一行動有規範值兩艱俱以吾居墜聞持身
以敬訓子義方享年七十八而庚申十月二十七日
卒于寢槩以言之無一毫榮慕外物之念有百
年專靜自守之心者公實近之可書也已塋在烏山
先塋負乙之原配陽城李氏考棟寶城吳氏考啓翁
公山李氏考震郁墓並各柩子男三道培吳氏出曾
培且培李氏出女二適鄭彙晚俞致億孫曾以下不

盡錄斯文大源不佞舊要也以書來曰吾曾大父塋
不及銘願丐一言以備陵谷之變遷竊惟墓而有誌
古也生卒之為某年遊息之為某所著族明系下逮
胄胤書之惟悉以告幽堂之在此固子孫所能且夫
詞翰諸家可相其役者不為無人而必謀及淺陋者
意實有在余不敢辭銘曰
彼哉夸毗惟物是逐公能反是勇退塲屋草門穴谷
人則謂窮歛膝研心又矣遺風烏山之陽有封四尺
納銘于茲昭示百億

兵曹叅知許公墓誌銘 并序

仁陵在位類開講筵 命武臣有文學經術者拔例
進叅時則濂湖許公以摠府郎承 召入侍於辨別
忠逆用兵任將之道隨問對揚無所凝滯 上屢加
嘉賞錫賚頻繁謹按公諱曾字權之系出駕洛八我
朝大提學諱邕義守因僕遯于丹城五傳至諱錘箕
子殿叅奉移晉之勝山又三傳諱國柱壬辰舉義
贈叅判號觀瀾至孫副摠管諱東岏 孝宗大王志
復 皇朝密諭尤齋宋文正公選五虎將與李相國
浣同其首薦是五世以上晚綸轅鎰高曾祖禰外祖
清州韓伯瑗以 英祖戊寅四月二十日生丰秀聰

穎迥出流輩十歲因門父兄試才有山水文章氣竹
栢丈夫心之句十三讀范蘭溪心箴題其下曰自畫
則為暴棄之人日進則入君子之域及長師事心齋
宋先生先生即雲坪嫡傳四方學者輻湊並臻殆孟
子所謂難為言者而公進受退省亟蒙獎勸 正宗
甲辰登虎榜慨然曰忠孝非兩道文武是一體吾安
敢自慢遂由副司直歷宣傳官忠佐衛部將都摠府
都事經歷陞折衝階以全州中軍遷橫城府使至兵
曹叅知此其履歷大槩公風儀爽朗論議霧霈其在
經筵左右近侍傾耳屬目莫不欽歎政院玉堂諸班

退語云 天威咫尺倉卒敷奏實非吾儕所能及也
其在全州捐俸賑之洗手奉公吏服民懷一境稱活
佛除橫城也謂齒近七旬報茂消埃徒竊厚廩有愧
素志因託疾辭歸時得尺寸蓋散親戚故舊曰此
聖恩也曷可獨為家計其知進知退見重上下者如
此乃以己丑七月六日病卒于寢及壆引而送者皆
哭失聲上寺里新塘卯坐即其藏配淑夫人朴氏考
聖厚五男栳龔栳樞模二女姜應斗白泚涿栳男烜
煥燉守門將三女趙熙瓚黃錫範姜大俊龔男燿副
司正女權璋模男賚平南權管樞男烜三女李廷華

權時煥柳洛吉模男燦玄孫萬璞以狀請余墓隧之
文竊惟壯而行老而歸恒情所同而勢利所趨其不
為趨趨足躡喘口者蓋亦寡矣又或眷戀乎軒冕印
紱之間而不能退者十居八九公早年從仕不求干
謁晚退江湖謝絕人事沉潛四子之書祖述朱宋之
學究厥始終粹然無可間苟非所本者溪能之乎可
書也已銘曰

榮慕而瘁擯方我獨敦乎信也害違而利從方我獨
全乎忠也庶幾其化叔世方有諸已之不啻也雖謝
事而杜門方寧斯須而忘吾君也嗚乎如公方當取

諸古人之中也

鰲峯梁公墓誌銘 并序

丙子南漢之役草野顛忠蓋多其人時則鰲峰處士
梁公以湖南望閩奮義旅奔赴行在至清州聞
燁成而止其詩悔作騷壇一小儒少時何不學孫吳
請纓未係單于頸後世誰稱大丈夫噫其人雖遠而
其心若可見事實詳略不須較也公諱禹甸字甸之
系出耽羅考諱渭南進士中部叅奉孝旌祖諱仁容
官訓練僉正曾祖諱山立 贈戶叅惠康公學圃先
生彭孫其五世顯祖妣南平文氏判官貫道女公以

萬曆乙未生八歲失恃哀毀若老成事異顏之母一
如所生左右就養務悅心志及長師事隱峰先生安
公堅固刻厲文藝夙就有辛光業者爾瞻狎客間請
為公紹介以取科算公謂士子為名焉有曲徑干進
者乎輒正色折之松石亭僉正公退休時所築也蒼
壁四圍江流瀟瀟形勝具焉至是重加修葺又展拓
界至結茅疏池有龍頭卷玄鶴亭無言甯北湖圭塘
之稱萬千風景呈態供妍於几案樽俎之間乃蒼顏
厖眉頽然偃仰觴詠自適不知世間榮辱得喪之為
何事一時名頹如竹陰趙公希逸玄石朴公世采老

峯閔公鼎重或以謂無忝堂構或以稱去神仙不遠
而薦聞于朝者又非一再則其賢可知也已享年七
十八而以顯廟壬子月日卒于寢壘池洞中山坐
西之原配江華崔氏判官東獻女墓合祔二男之沆
之灑並受業于九齋宋先生門下一女適生員李敏
三之沆男翊夏彌夏女承旨鄭東俊之灑男大夏鳴
夏女崔曷尹鼎美曹夏卿柳摠餘不盡錄后孫奎煥
筋躬劬經休休然有古人風猥以幽堂之誌謀及於
不佞竊念俞相公碣文精悉簡當自可百世無庸架
壘顧陵谷之變遷亦所當講而不可緩者也遂依狀

撰次如右銘曰

已卯家風世傳名德公姿磊落考訓師益臨難赴義
向背明直其大先立餘事可略睠彼西麓山明水潔
納銘于幽以誌來百

學生韓公墓誌銘

并序

嶺南我國之鄒魯也文學之士至今猶彬彬焉從吾
遊者晉州韓愉其一曰愉抱其祖考諱在源字清一
氏之狀請余為幽窆之文以備陵谷變遷之識余讀
其狀謂愉曰有是哉先王考之有似乎古人也昔韓
文公作董生行曰或山而樵或水而漁入厨具甘旨

上堂問起居父母不戚戚妻子不咨咨其非先王考之謂歟刺史不能薦天子不聞名聲先王考與董生一也然董生得韓文公文傳諸千秋赫赫若覩其人我無此大手筆惡能顯先王考之名愉感然曰我王考少貧賤不能學惟從事於耕稼販織婦家分以賞不受終能自力以至成立門戶事親而親安其孝睦族而族忘其貧接人而人服其信雖世之多學多識者其質行鮮有及我王考者至其臨沒之託惓惓在不肖輩之善讀書而尚未克副其託又以其至行懿德不能得長者一言之重愉懼吾王考之終於泯泯

也余起而曰孝哉子之言董生之行人不識惟有天翁知生祥下瑞無時期今先王考之祥瑞在於有賢子孫矣吾雖無文請爲子圖之子之文學足能顯先王考之名吾文之傳不傳不必論也按公清州人歿於當寧庚辰距其生 純廟癸未爲五十八塋于晉之大愚山酉坐娶驪興閔百亨女生子女各一人男擇東女適金基湜後娶陝川李邦和女不育側室子尹東鳳東女適河龍秀擇東子長卽愉次禧女適姜棻餘幼愉禧各一女幼銘曰
貧厨甘旨孝無闕不受婦貴芳義不失孝且義考

祐自天生能富方死有賢孫吁嗟謹與儔兮儔唐貞元間安豐縣人

孺人東萊鄭氏墓誌銘 并序

婦人之道以孝順為主能盡於是然後父子六親各得其宜而家室平家室平然後善祥吉慶之事集而家室興若故孺人東萊鄭氏可謂云爾已矣孺人在家父母已有必昌人家之譽既嫁事舅姑奉夫子無違禮律身有法治家有度以至處鄰里御婢僕皆曲盡恩義教子雖幼有過必撻迨歿猶再三囑善教蓋孺人既嫁而舅大悅以為善事我既歿而鄰里親戚

莫不悼慟久而誦其賢不衰焉孺人考宗憲祖升民曾祖致仁母善山金瓏女孺人以 憲宗丁未生年十八歸于主人清州韓擇東越七年辛未六月歿得年僅二十五葬于某郡某里某坐子男二人長愉次禧孺人歿時愉纔四歲禧纔五日今愉與禧皆壯且學稍稍得鄉黨名愉尤傑然知其人者皆以國士期之嗚呼當孺人之生也莫不稱以為孝女順婦及其死也又莫不悲其無命也然而能終保其四歲五日之兒以貽身後無窮之慶孝順而家室興者於是而始驗矣孺人將歿撫其兒曰吾素志未伸是可恨也

嗚呼愉與愜可不思其志之所在歟銘曰
生稱順歿稱孝遺其慶二子肖

右議政金公墓誌銘

并序

仁陵卽位五年乙丑一青金相公以時任尹判陞拜
議政府右議政始登 筵首及闡明之義而為不悅
者所傾陷以翌年四月干支受後 命于薪智島謫
所距其生 英廟庚辰壽四十七今 上甲子始復
官舊塋永平郡東禾垵里庚辰後九十八年癸卯祀
孫淵堇用形家言將移封于抱川西面穿石里寅坐
乙原先爭屬不佞以幽堂之誌余不嫻典故重以昏

贖再三辭不獲謹按公諱達淳字道爾安東望族高

祖昌翁進善 贈吏曹判書謚文康世稱三洲先生

曾祖諱養謙杆城郡守 贈吏曹判書祖諱範行加

平郡守 贈左贊成考諱履鉉豐基郡守 贈領議

政三世之贈以公貴也妣 贈貞敬夫人宋氏恩津

大姓載和女公自幼進止有度儼若成人聰明強記

藝業夙就十二三歲隨往議政公任所遠近書牘公

私文簿多從倚替勞筆法適勁文辭條暢輩行莫能

先已酉中司馬調 永陵齋卽庚戌魁增廣文科選

奎章閣講製抄啓文臣隸承文院權知副正字時則

我 莊孝王蒐才中外厲精文治自月講旬試以至
春秋朔射皆親臨考課隨其能否勤慢而賞罰抑揚
動有成法公才兼文武器局風節無不當 睿意者
睿注隆重錫賚頻繁每於筵席 天顏溫粹酬酢如
響不啻若家人父子如未經弘錄而除授文兼藝苑
名士而為承傳宣傳乃格外特典因以課講都計畫
居首陞六品職由宗簿主簿移司諫院正言歷兵曹
正郎弘文館副修撰司憲府持平南學教授副校理
掌令執義陞通政壬子甲寅連丁內外艱 上命有
司月給米炭以贖凍餒毓祥宮展拜路過其廬必駐

輦衛口遣掖隸存問兼致御膳餼餘制閔拜兵曹叅
知旋移同副承旨入侍重熙堂 上曰頃自抄啓每
欲從容今以承旨入來予甚喜焉士大夫自有本色
持身固宜渾厚亦不可沒模稜目今俗弊誠為可悶
爾地處人器顧乃何如善事一人無忝乃祖自是節
次陞遷左右副至都承旨大司諫漢城左右尹兵吏
戶刑曹叅判判書禮工曹叅判同 經筵春秋成均
義禁宣惠堂上東萊府使京畿全羅觀察使而為各
司提調者七及拜相言 莊廟諫臣朴致遠尹在謙
褒贈事遂及於榻公安相端凝規模簡精平居儼然

若不可犯即而與之語忠厚樂易辭氣藹如性篤於孝常以位高祿厚不克終養有時為孺子泣傍觀為之感動御家奉先條例井井至外祖父母墓道祭田亦修治還退不絕香火祿俸餘貲必別貯一所得貧乏姻族知舊間不時責應接人踈不飾禮貌親不作褻容迎送酬酢少不見倦疲狀辛都事者寧以進士討逆長書泮中仍處義長往公愍其無庇身所乃許借庄土在陝中者為資生計萊府濱海倭奴之所館留貨物流聚客商走集無名之稅沒入之貲未易數計而公洗手奉職一塵不染吏憚民懼關夷相戒以

為無或犯條約使府伯知之其在湖南值歉荒且舊例管毛與京司作錢每以穀貴邑排定民不堪命公殫誠矯救宿弊盡祛慎賞罰嚴紀律殿管下守令之昏庸不舉職者十餘邑在任三年一省萍礪為中外所艷稱然世之知公者類以地望際遇之感而至其恬於勢利秉心誠實清苦自厲憂國惓惓之意則未必盡知之也貞敬夫人綾城具氏判書顯謙女生一女適進士徐廷輔繼配潘南朴氏師虎女一男馨根一女適進士尹致舜側出男東根孫男炳碩炳肅蔭郡守曰炳頤即東根繼子也炳碩二男淵圭義禁府

都事冰圭今郡守過房側出男洛圭出家女適主事
柳基馨炳肅生三男一女曰學均歿曰汝圭主簿過
房曰萬均過房天女適判書李愚冕念昔我曾王考
與公為布衣交道義相勉至今兩家皆世講之詳公
事實者宜莫如益鉉然公之堂弟臺山先生邁淳嘗
言曰吾兄孝友可謂出天又曰公以卓越之才迫於
仕宦且不得年壽不得充其萬一然今之以文章自
任者殆不能及又曰風儀甚重有古大臣風度又曰
丙寅一著斷其為報國苦心之素所蓄積而不計利
害禍福之實者又曰庚申後有或勸以退老者公慨

然曰吾蒙恩 先朝若以時移事變歛身為自全計
則將以何顏拜先王於地下當鞠躬盡力死而後已
於此數言足以見公之萬一而其可信於後世孰如
益鉉百言哉噫公以英才博學蒙 健陵不世殊遇
內外歷試固將大用焉而弓劍遽遺世禍隨至可勝
惜哉銘曰

金在我東甲乙其族公尤英發壯年釋褐地處人望
進塗大闢流連詞苑荐承 恩渥 王曰予嘉益試
民績往撫關夷頑梗讐服宣風湖畿貪猾屏跡屬之
銓選朝多俊傑屬之錢穀倉庫充溢暨登黃扉象方

加額未調設鼎旋賦賈鵬玉焚蘭摧殄瘁者國魂招
不返悠悠一甲天啓 宸衷丹書洗白復袂錄後汪
洋 恩澤鬱鬱佳城卜茲新麓咬唾珠璣徵其天略
班管有紀昭垂千億

惠道軒崔公墓誌銘

并序

公諱承來字汝善完山世家父曰琮大父曰濟海並
不仕教官元相掌令道麟持平斗壽執義概是五世
若九世以上高麗尚書僕射均寔爲鼻祖妣清州楊
氏都事致鶴女生 純廟丁丑卒 當于庚午今鐵
原府西四門內負辛而封者卽其歲公林壑數十年

雖無繁見撮而言之養備志物二親安之行敦本實
朋友信之居憂盡制奉先竭力一是因惻怛本情無
一毫勉強底意自少爲學專意經傳異言雜書不經
耳目與人交必取其忠厚周慎明於向背者要津勢
逕足未嘗一至庸言細行心未嘗怠謹蓋休休乎一
紳之善士也夫人任氏孝奉舅姑事君子無違禮舉
二男一女長光烈次成烈女適海豐金昌謨光烈二
男一女男禹泓箕泓過房女幼成烈系子箕泓禹泓
二男長秉一餘幼余雖未及識公晚與公胤昆季交
厚其言曰吾先人以布衣終名不聞知於世其行之

在于家者不肖晚出又無得而詳惟茲一二幸託于
而有傳庶不朽先人矣余見君心胸坦蕩議論不苟
必非蔽於私者遂為之銘曰
母伐其樹乎而母夷其土乎而嗚呼此德道軒輶孝
子之墓乎而

山陰姜公墓誌銘 并序

公諱彙字致謙晉州之姜為東方大姓其先顯自
麗季大農丞淮仲奕世綬冕至諱漬靖國勲封永魯
君曰善餘吏曹參判尤齋宋文正銘其碣曰命璜
秦陵參奉辛壬黨禡守正不撓寔四世以上曾祖諱

宅齊成均進士祖諱文會司憲府執義考諱僖成將
仕即妣慶州金氏經歷魯詰女有四子公其仲也公
性篤孝自幼得一珍味不先入口父素患疝冷兼河
魚崇閱月沉劇治藥餌調粥飲皆自其手不假之人
母邁癘思腥輒日朮溪鮮務適病口及喪一衣禮無
違墓在十里山中除草掃雪必身親為之季秋祭禰
生日不許設酌如程先生故事教本實後文華不假
修飾自然寡過故其飭躬治家訓子姪接賓友皆有
規度羣居樂易鮮見圭角然至義理大關去處牢不
可變如甲申乙未乃人斲界分終條理處而峨冠廣

袖道路以目公不憚不撓毅然山立見濡迹化黨者
輒正色呵叱不遺餘地其嚴切著明於陰陽淑慝之
辨向背好惡之正者如此乃以己亥十月干支病卒
于寢距生 仁陵戊子享年七十二塋在長湍高棧
里春和洞面良之原元配清風金氏蘭默女男長漢
老次漢帥出為叔父後次配江陵金氏男漢尚女洪
鍾萬尹向朮漢老謂余以妻叔者也曾以狀謀所以
鏤諸幽者余既許之而遷延未副四年于茲矣撫念
舊契不忍終孤遂叙次如右係之銘銘曰
西禰滔天鮮不濡迹清門騰族趨營如渴公獨何時

法言法服士故論志餘事可畧蔚彼佳城高棧之麓
納銘幽堂昭示千百

愚叟金公墓誌銘

并序

愚叟金公曾於蘆沙集金谷書室記見其錄義孰為
大賢賢為大仁孰為先親親為先觀善修睦仁義行
矣仁義行而人道立矣之說而槩知為躬行君子人
也今於寢即奇君所述狀益悉其所未詳者撮而言
之端毅整肅望之儼然其姿稟也孝友勤儉與人為
善其性情也禁絕奢靡疏遠異色其家法也援古徵
今渾渾不竭其淹博也尊慕後栗擬赴國難其氣節

也取近師友擇里卜居其勇斷也平居簡默守之若
愚而鄉里相司不敢為非穿窬知感亦至輸款則其
德之入人深者不可誣矣至若身居草茅心切民國
每歎還上末弊之不可不釐正嘗對京官極言貨幣
之為殃民資斧時則政出私親俯觀代牀而談笑道
之無所顧忌可謂識時務之緩急而不憚威武者推
此志也如使公當言責官守之任而見今日之象則
其必以仁義之說戰守之策血諫力爭死而不避者
將優優如也公諱元龍字乃亮系出靈光譜自麗季
工曹典書文敬公諱台用始入我朝諱璿歷敷清

顯出按三道入佐天曹端宗朝見幾遜于南金氏
居長興始此是生諱塊連捷三場官至三司是生諱
光遠生進習讀從靜菴趙先生學先生器重之己卯
徵請號月峰贈吏曹判書享汭陽院是生諱龜年
義禁府都事再傳至諱汝健壬辰與從兄左贊成汝
重倡義旅除奉事不就子諱哲光陽縣監六世以上
曰沁贈刑曹叅判曰爾昌同中樞曰重鳳有孝行
曰尚繹有德德四世諱也妣仁川李氏考宗雄生
純祖丁卯卒當寧庚辰壽七十四葬淳昌月山坐
壬之原夫人竹山安氏權女文康公邦俊后德配君

子三男正鉉命鉉泰鉉一女適奇鼎衍側室一男晚
鉉二房四孫漢翼繼長房次漢穆次漢禧繼三房皆
文行克家次漢栗一女適金榮珠三房四女適金瑛
默梁圭成餘並幼漢翼兄弟不佞晚交也齋狀遠涉
謀所以錢諸幽者顧人微言拙無以信公之德於後
世而因念公之年甲與吾先子為伯仲好賢樂善之
風亦大略相似遂感而叙次如右係以銘銘曰
已卯淵源望著南服忠孝家風世傳名德公襲前光
天厚厥植惻但其仁慷慨其節不忘蒼生留意本實
蘆翁信筆有光千億

季父通德即府君墓誌

我曾王父嘉陰府君有文夫子四人長克明成均生
員次克敬 贈叅贊聘全州李氏克懋女育三男長
為伯父嗣仲我先君季即府君幼而岐嶷長益沉重
喜讀書時則嘉陰公年德俱邵為世矜式而所修於
身而教於人者一是以孝經小學為本府君同伯仲
二兄暨從昆季更迭侍側服勤受教其攜染耳目培
植心志而為平生受用者實基於此矣十四而孤饋
奠哭泣不以年幼少懈母夫人或哀不自勝輒多方
寬譬止而後已事仲氏甚敬巨細無敢自專家素窶

難為養朝晝服田夜對方丹如董召南故事庚寅丁
內憂致哀盡制一若前喪壬癸歛荒家有原隰計以
一朔粒食不三日而府君厲志彌堅凡非義去處視
若坑坎莫敢近焉既而仲氏南遷伯氏踈於物情門
內事多可憂者府君小心惕厲隨處照管代遠墓祀
寧豐無約歲久松楸極意守護類不失家傳典型常
以早失怙恃為痛祠板在百四十里地每當喪餘之
日輒親齋果屬而臨至將事哭涕浹被面宛然孺子
慕姪子病涉危疑必率致家中審其差劇而藥餌飲
食若已子仲氏還鄉庇身無所遂同室而處共鼎而

食者歲餘好惡甘苦絲毫幾微不見色辭以至族親
喪變鄰井患難問慰必先於人曰所自力者以身而
已其性篤倫理不由勉強者如此府君脩面美髯語
音洪暢志大而才優氣肅而行峻持身一於慎重而
無怠慢之容處事一於正大而未嘗為姑息之計言
議嚴明而未或徇私慈操堅確而不少變移是以自
在弱冠已能出入鄉黨朋儕之間大見敬悼雖年位
不相敵者皆折輩行以交或有氣多自得好為凌加
者皆折節趨下未敢抗焉羣居相聚論議紛然而至
遇府君則輒皆歛衽一聽其指揮而莫敢異議嗚呼

今世如府君者其幾人哉使府君蚤占科第得居朝
端則必能犯顏裨補君德矣臨民制政則必能激濁
揚清修舉邦紀矣雖積屈公車坎墮窮約而扶持門
戶之計繼志述事之責皆以依仰於府君值大事大
疑恃其規劃處置而不以為憂至若日用云為之則
威儀動作之節亦莫不慕仰師法而一室之經理得
宜維繫至今者莫非我府君之力則其施於有政可
推而知矣府君諱密字士術生 仁陵己巳卒 當
子戊辰塋抱川佳蒲里先塋艮坐之原配安山金氏
老鍾女育男女各一男鼎鉉女叅奉安驥良孫男永

稷永島司馬永夔歿女李承憲李載日嗚呼府君生
也不善歿又並與可傳者而無傳焉則是子姪之罪
也略叙其平日見聞大略納之壙內庸備異日陵谷
之變遷云

醉叟梁公墓誌銘 并序

公諱琪永字台汝梁氏籍耽羅歷新羅至高麗奕葉
相承為左海名閥我 朝有諱彭孫官弘文校理與
靜菴趙文正先生諸賢為道義交北門之禍坐削禁
錮號學圃諱應畢薦經行為 健元陵叅奉不仕諱
山旭禮賓寺奉事添歲之亂運糧于晉州諱砥南號

鬚峯丙子舉義於公六世以上曾祖諱井遠 贈司
僕正祖諱淮漢 贈左承旨考諱潤吉號雙山 贈
戶曹參判並以孝友文學著聞妣 贈貞夫人全州
崔氏宗鉉女公丕襲前光守志東岡事父母極志物
之養處兄弟盡友愛之情御家衆有禮法教子弟以
義方其得於仁義之實而本之內者有如是矣晚義
進永從祖兄也事之如親兄俊默再從孫也撫恤若
已子處鄉黨接朋友愷悌樂易不事邊幅賢愚善惡
莫不稱之以長德君子其親親及人而感於外者有
如是矣生以 德陵庚申卒於今 上丙戌壽八十

七葬于雙峰里癸坐原夫入南平文氏考思質金海
金氏考正鳴育四男四女相雲相暉相誠相希女朴
弘勗鄭熙林鄭淳七安龜煥內外孫曾若干人銘曰
運值斂食士難其志遺親忘義恬不為恥猗歟醉翁
天賦孔粹保養天德始終一致生為善士沒垂後昆
我述其蹟諒非耄言

處士郭公孺人金氏墓誌銘 并序

畿之砥平縣北真岱谷未原有背山臨溪而封者即
處士郭公景默孺人金氏藏曾孫漢紹痛先徽之日
遠懼陵谷之變遷將埋幽誌而責余相役謹按公字

誠之清州人曾于新羅侍中諱祥而喬木乎勝國閱
閱于我 朝文良公樞西浦諱說仙舟諱希泰芝浦
諱之欽皆以名德著五代祖松灘大徵與弟景寒齋
始徵出入尤齋宋先正門除參奉不仕退遯驪州之
浦東里守尊周義通德即遠績曰鎮世曰利濟曰林
相寔為高曾祖考妣慶州李氏運哲女曰林松及全
州李氏亨壽女其本生 正廟庚申二月十八日今
上乙丑十二月二日其懸孤屬續公風儀魁偉器量
寬弘早丁兩庭外艱大小事無人句簡公獨自擔承
居憂中節奉祠以禮收拾先籍能不墜古家典型取

近生庭外家移寓洪川果湖連遭內憂制閔以洪之
僻陋南徙於砥平新寓生受箴瓢屨空晏然也固窮
行義不屑名利木石為鄰琴書自娛御家嚴正追遠
盡孝百物必先封祭用然後及於私用故家雖貧正
至朔望忌祭墓祀皆依古禮儀物俱備於交際疎遠
權要親近且諒於兄弟怡怡甚篤於處世不義富貴
規之若浼一未嘗入官府向市街惟校庠一事到底
盡力而獎儒正俗蔚有風采至今為一鄉誦慕此其
敦本篤行足以當一鄉善士者而子夏抑揚之論真
準備語也孺人系出慶州考光炫妣陰城朴氏鳳儀

女以 純廟甲子十一月二十七日 當宁乙丑十
二月二十三日生平懿美純淑仁孝謹厚治內有法
多補君子之德奉祭盡誠齋素必精潔遵實必豫備
未經薦錐窶急未嘗犯用公不事產棄遊從士友而
菜根難繼茅屋見漏無毫髮幾微見於色辭接賓必
備誠禮壬癸歉荒粒食月旬無幾而堪憂自安終不
賣數頃薄田曰先世舊物也隣家有渾室阻飢赴死
境家中惟有斗升穀種孺人曰寧廢種子不可不救
隣人之死頃橐購急令得甦生其家屢世不相忘焉
此其積善修德之六槩也男長致英都正次致慶過

房李致明女婿尹聖尤都正男定鉉女宣傳梁仁洙
致慶男周鉉寅鉉致明男夏鉉尹壻男萬榮定鉉男
長卽漢紹次漢宗餘幼因足乞以銘銘曰

西原世家簪紱清德松灘墳麓淵源端的公襲先訓
固窮守約施於家政鄉里矜式吁此淑媛亦君子述
令儀令德慈惠溫柔龍門之東邁軸而藏納銘玄堂
詔諸久長

農隱宋公墓誌銘 并序

古之人墓必有誌以備陵谷今也或是之鮮矣宋君
性浩為其王考農隱公將納銘于幽間所以刻噫其

達於奉先之急務者乎公諱基仁字德厚礪山人麗
朝名臣礪良君謚貞烈松禮之後縣監琉文科通政
成一其十一世若七世曰希濂曰鈺曰致大是為三
世外祖天安全命壤其生以 仁陵丙戌今 上戊
予以武功輪啣為童蒙教官卒于甲午七月葬在礪
山府東天壺山始祖墓南麓乙坐原公性質醇謹自
事親奉先以至飭躬御家敦宗族信鄉黨皆循循有
法度多人所難能者至若願為國家死乘雲叫帝閭
鞭雷而掃妖孽驅雨而洗腥羶使五百年 宗社永
享无疆之休者又其臨命時慷慨之辭也夫窮而在

下不得魯扶顛持危撥亂反經之志則壹鬱憤悶或
寓之言語文字之末或發於咨嗟詠歎之餘者一是
出於秉彛常情而非有所強為也是則公之平日所
養可知也已配德恩林氏考相坤四男一女鍾勳有
醇行鍾文鍾弼鍾琦女適陳錫奎柱浩性浩贊浩心
浩女金正朮長房出養浩秉浩淳浩三女次房出寬
浩直浩二女三房出建浩正浩一女季房出柱浩男
榮大性浩男榮晦銘曰
孝友睦姻其自修之實慷慨寤歎乃傷時之情彼遺
親而後君甘與犬羊同事者吾不識其何誠

栗農申君墓誌銘并序

往在辛巳以韋布抗章痛斥倭洋大節偉然者有二
 人焉曰栗農處士申君稜勵志堂洪君在鶴也洪君
 竟徼東市之禍君遠謫南荒至於再渡滄溟而無怨
 悔噫世道之厄尚忍言哉君之弟棧狀其行丐玄隧
 之誌余亦妄斥和議曾有絕島之行且與棧有同門
 之舊義理相感事契自別烏可以病廢辭謹按君字
 聖邦初號希菴晚改栗農蓋溪有墓於栗谷之道學
 農巖之文章云平山之申以高麗太師壯節公崇謙
 為鼻祖入我朝左相文僖公槩佐世宗致太平

配享世宗室傳三世吏判文節公錦為己卯賢配
 竹樹院孫礫號松谷監役不仕壬辰難殉孝旌間即
 君十世以上也八世諱坤號大明處士遺戎子孫勿
 赴科宦自是簪纓雖遜文學不替曾大父諱大熙大
 父諱瓚父諱命健號遜川外祖生員唐津韓適君以
 景陵戊戌九月十九日生于抱川內洞天資有異就
 傳受學不待教督讀聲弘亮令人住聽每讀史至仗
 義立節處不覺擊節歎賞以門戶計治功令業晝宵
 不捨優在六體竟不得決科真所謂唐臯其於命何
 者也居家以孝友聞處鄉黨以忠厚稱性巖峻見人

不是直據理責之嘗遊任鼓山金重菴二公之門多
有所得甲戌以士望爲疏首請復皇廟又請復華
陽書院被停舉辛巳爲京畿疏首率多士叫閣以
明尊華攘夷衛正闢邪之義首尾凡數萬言朝廷令
秋曹嚴刑三次安置于湖南之金甲島時重翁亦賦
鵬在智島相距稍遠而往復質問源源不絕壬午七
月宥還兩脚尚有傷痕每以裳掩之日身體毀傷
恐父母見之也九月有再配之命時則朝野洶洶
殆若不保朝夕而君且具慶篤老也買斗屋於湖西
之庇仁託家人以便養二親徒步入海前後四年島

人莫不以善居謫稱甲申丁外艱聞訃號痛如不欲
生至十一月蒙宥歸臥田廬不復渡漢江平生身
不著異織家不入巫現有時吟詠寫出真境多爲士
林所傳誦卒以己亥八月三十日壽僅六十二遠近
莫不咨嗟曰善人亡矣葬庇仁月明山乾原配利川
徐氏生員宗城女生辛丑卒甲辰墓合柩舉三男二
女男長昌熙出系伯父后次明熙次明熙女適權命
圭沈相郁嗚呼君旣無官守又無言貴凡在時政得
失世故污隆固當袖手絨口杜門自靖而不幸運丁
陽九將見先王禮樂淪於糞壤小萃衣冠化爲禽獸

則仁人君子亦安忍自占便宜不思救焚拯溺之道乎且繫國家存亡之地朱子以為雖常布亦有可言之義孔子不幸遇匡人之害則朱子以為顏子當上告天王請討以復讎不但已也夫以孔子七尺之軀遇害於匡人為其徒者猶當出位聲討况孔子萬世之道遇消於大牟其重不但國家存亡之事而已則所謂身不出言不出之死法尤不可膠守也審矣但刀鋸桁楊大禍立至故舉皆畏首畏尾能言者無人而天顯民彝幾乎息矣然則二君曩日之舉豈非為斯文為宗國為生民不世之功而足以有辭於天

下後世者耶是可為銘銘曰

天地蔑貞夷降獸食碩果吾東載脊及溺朝野含默越視秦瘠瀝血封章一士謬謬泰山義重鴻毛身輕為聖人徒死亦有榮東市南荒奚論優劣尊攘衛闢一般塗轍嗟君樹立古有今無我銘玄石隻字匪諛

義禁府都事吳公墓誌銘

并序

農巖金先生講道三洲望重朝野其胤觀復公又以雋才逸藻為能子士遊其門殆孟子所謂難為言者而錦城吳公大濬蚤年英悟進瑟退箴以質美志篤切問近思亟見穠翻既而學益進行益修為國中賢

大夫所知獎汲引而不已焉則授受之正造詣之深
可知矣謹按公字仲深考玄錫生員有文行祖以翼
文科兵曹佐郎曾祖希有忠義衛世祖朝敵愾功
臣襄平公自治其七世顯祖妣平澤林氏叅奉嬭女
公天賦秀異年未弱冠已知有為己之學衣聲色臭
味勢利紛華一切泊如以親命應舉中辛卯司馬
景廟壬寅朝象一變聯劄四相相繼授命公與鄭上
舍德休諸公陳疏說寃趙忠翼珍島之禍護喪返葬
已而陶谷李相公宜顯秉銓薦授英陵叅奉不就
乙巳改紀又除永禧殿叅奉遷惠陵奉事換禁

府都事時掌令任公徵夏新有拿命將押來公謂
由前由後俱非士君子進取之日輒棄官歸鄉一時
士大夫高其風節多作詩以送之家素窶蔬糲難給
而坦然無怨悔意取朱子書講習討論日有課程又
善大規模細工夫日月逝矣歲不我與等語書揭座
側以資警省孝友純至根於天性值外艱居廬過哀
幾至滅性事王父母及伯兄恒承順怡愉皆得其歡
心訓子姪以義方待宗族盡恩義平居簡默望之儼
然雖素所親厚者不敢肆焉至其開懷應接言語諄
諄和悅可親贊愚善惡一辭稱長德君子此其狀辭

大略而其所云論理則直窮到底而表裏精粗必欲貫通制行則固守謹節而孝友忠信必欲實踐者約而盡矣以癸丑夏四月干支病卒于寢距其生 肅宗庚申享年五十四塋在羅州石門山乙麓配蘓氏籍晉州考城李氏籍原州考 贈叅判秦來孝敬慈諒家人皆宜之墓附左右子男時德時一女李宗烈時德三男暲源晟源謹源時一三男禧源明源宰源四女安聖洲宋翼淳洪樂夏金必鍊暲源男相鐸相寶相紀晟源男相贊謹源男相性相承禧源男相民明源男相直宰源男相漢嗣孫禎善來請銘銘曰

襄平崑勳叅輝竹帛天厚厥報世傳名德公姿瑯璚六行純篤高明廣大師友輔益薄視即啣其介如石不寧宗族鄉州傲仰不寧鄉州多士稱賞在今則無古罕其匹考世尚論過者必式

從弟墓誌銘 并序

嗚呼此吾從弟身鉉字九玉號樵雲君之歲也始吾先君三人承其祀者惟伯兄及吾與君而已伯兄不幸早世相與為依者賴有君在笑語憂樂出入居處幸無相異較齒量力理宜君哭我死誰謂吾倒哭君墓耶今其諸孤永稷永嵩等講陵谷變遷之義謂余

蓋為一言以誌之余與之言曰爾考既不顯於世又不能致力學問固無赫赫可稱者而惟其誠孝一節及癸酉乙未尚著皆非凡人所易為則世系生卒之下以此書之亦可以示後也稷高等泣而請之遂為之叙曰我崔氏慶州人以新羅侍郎孤雲先生文昌侯致遠為始祖世有聞人至諱通溫水監務麗止守罔僕義 太宗召不至歿 贈漢城府判尹以褒之有諱灌以直道忤燕山朝官全羅道觀察使有諱應虛刑曹判書光海朝不叅殺國舅廷請被杖 仁廟丙子扈 駕南漢罵賊不屈而歿有諱裕泰官郡守

景廟辛壬以建 儲四大臣黨罷今 上辛丑因大臣奏 贈秩賜侑寔五世以上也曾祖諱光肇 贈承旨學問德行為世推重祖諱克敬 贈叅贊考諱密通德即妣安山金氏老鍾女以 憲廟丁酉十二月二十七日生卒於 當宁辛丑四月朔日享年六十五五月初七日墓于抱川嘉蔭里青龍山庚坐之原君幼多病八九歲始就學性穎悟於書不甚煩長者教督然終以多病故不能大肆力焉治舉業為詩清健筆法亦典雅事父母至孝自幼已有異性及長雖貧無以為養然侍奉衣食常不顧其身之飢寒在

父母之側未嘗疾言遽色怡愉洞屬如恐不勝嘗違
羈甚危猶問親安否進何食飲少間則必手自煨栗
而進之每出未嘗空手至家酒壺肉袋躬自持攜而
無一毫強勉之意父母族隣皆稱孝子無異辭親癢
心憂色沮嘗糞割指無不為已而竟遭大故則叫號
擗踊如不欲生喪葬又不能稱意常終身以為恨每
值喪餘悲號隕絕無異袒括雖年老不任氣力然不
能強止每語及父母必嗚咽流涕恒如孺子慕是殆
聖賢所云終身慕者歟癸酉余妄觸時諱禍且不測
君以與聞疏事被逮於揚州樓院店獄卒例索錢君

叱曰汝安敢橐裏自有錢爾自搜去獄卒懾爾不敢
及就囚獄官問寫疏時其語逼句語何不勸剛君曰
某能書不能文不知何句為語逼也終夜反覆語不
少屈獄官曰何忝然若是君曰自知無罪故忝然獄
官亦笑供畢君取覽其狀多有增衍處君一一指摘
曰此皆非某之言也獄官曰不文者亦知此乎君曰
雖不文寧不識此獄官改之天未明有 旨特放蓋
是時興宣大院君怒方甚必欲逞忿於君而 上覽
君供辭無他語遽 命全釋後獄官語人曰臨危不
挫吾見崔某也乙未剝變君憂憤慷慨如不欲生而

所居迫近京輦禍將先及君訣家廟入明倫堂痛哭
夫子廟蓋自決之計已定矣子姪輩皆涕泣勸諫君
曰然則將劊而苟活耶汝心何安入校官知郡及一
鄉士友皆言禍至而死未晚也遂止已而余爲賊徒
所逮蓋執痛哭聖廟爲言也君就訣曰兄得死所矣
初劊令下君有詩曰羲農虞夏道之宗正脉綿綿寄
我東狂潮一日西來惡不有線陽天地中風波容易
到山靡短髮鹿衣亦是非畫網先生寧不貴熊魚取
捨早觀幾一毛非愛愛吾義天命重時君命輕先
王先祖靈猶在夷子夷臣詎不驚云已而逆徒敗劊

禍中止庚子余從兒南徙暮年離索之苦君我一般
而君尤爲傷懷其發於吟咏者至今讀之不覺聲之
自失矣翌年辛丑三月君將來見我行至始興郡而
病昇還未及家而卒嗚呼君竟以我故不能終於正
寢慟矣夫君天資和厚自居家以至接人一以誠信
無一毫畦畛雖子姪有過但溫言教誨使之自悟而
已家素清貧有時屢空亦道然不以為意平生以二
親之不享遐壽爲至恨聞人孝行必動色稱歎雖平
日所不滿者至聞其善事父母則必曰某是孝子嘗
謂已沒之親不可追養少可以伸其誠者唯祭祀是

已每當親忌則必飲必戒以致如在之誠遇有新物
雖微必薦不薦不先食日省親山斬草除雪躬自爲
之嘗曰欲知人家興替必視其子弟之孝不孝薄於
親者斷無享福之理又曰吾家自載寧公以來世有
善德內則吾祖妣及我先妣皆有仁孝之德爲子孫
者不可不知其所由又曰吾家世寶則異於人守貧
也行檢也文學也後世子孫若忽此三者必爲不義
不法之事若守分耕讀雖無榮華猶可以保家安身
又曰吾平生無所長惟心裏不著一毫傷人害物之
意又曰呂榮公行步出入未嘗入茶肆酒肆此雖細

行古人謹身之義此亦可見又曰羣會終日非無用
雜談則必設博奕樗蒲酒色雜技最是凶家之本又
曰人以讀書爲名而不能徧誦七書者無異正牆面
而立也又曰說心理氣不如就自己心上去一惡念
論人長短不如就自己身上去一汙行又曰好勝自
是者到處必有敗自古小人禍國凶家者其本皆由
此君嘗論學者分裂爭競之弊歎曰此大氣數也凡
天下古今之禍其始未嘗不由於邪正之相爭而其
正者常不勝故禰生告陸與孟朱相爭而孟朱不勝
故末流有焚坑陸沉之禍尹鑄與尤翁相爭而尤翁

不勝故末流有辛壬戌申之禍矣然此猶人類之相
爭故禍雖烈而人類不盡滅矣若今日則人類與禽
獸相爭而人類必不勝其禍可勝言哉學者不慮乎
此而以陳言古談相爭如仇讎譬如魚在釜中猶相
爭食豈不可哀也哉嗚呼此皆由性質真實故其爲
訓於家庭者如此配杞溪俞氏考敬煥 宣廟名臣
右議政忠穆公泓之後有三男二女男長永稷次永
島進士永夔咸平李承憲完山李載日其婿也永稷
三男二女男中植道植教植婿金學禮餘幼永高三
男二女洲植綱植餘幼永夔一男鵬植銘曰

和厚之質仁孝之行義則若嗜物則無競不究受報
而施其慶

蓮坡鄭公墓誌銘 并序

此河東府細谷負丑馬鬣而封者故蓮坡鄭公琪成
字乃裕歲公生以 仁陵甲申卒於今 上丙子自
幼聰明強記及長善功令鳴場屋嘗六然鄉解不售
有司或有言無物不成者公謂得失在天納財僥倖
吾所深恥遂斷跡公車歛退杜門座右書揭退隲先
生聖學十圖晨夕寓目玩繹乎夫人性命之奧沉潛
於存心養性之地怡然自適不知老之將至槩而言

之殆所謂內重而外輕得深而誘少者也不亦偉歟
鄭氏系出晉陽澗隱諱樛菴諱安國諱弘寬其考
祖曾三世妣晉陽姜氏光厚女配李氏籍陝川考撰
金氏籍金海考大淳男錫民守門將錫鳳錫輔側出
錫贊李梓榮朴桂儀金鍾徹朴準賢李洲郁壻也錫
民男源恭源復為錫鳳後餘幼銘曰
農翁肖孫澗隱賢子世保令德允為吉士根深末茂
第祿振振詩禮家風德又有鄰我聞其幽昭示來人

勉菴先生文集卷之三十一

